限級





汲冢

朱希祖著

華 書 局



汲冢霉考

朱希祖著

中華書局出版 (北京東總布胡同10號) 北京市魯利出版業產業許可證出字第17號 崇文印刷厂印刷 新華書店北京發行所發行 全國新華書店經售

850×1163 毫米 1/32 · 2 1/4 印景 · 43,000 字 1960 年 4 月第 1 版 1960 年 4 月北京第 1 次印刷 印數: 0,001—2,000 定價: (9) 0.34 元 载 七書號: 14018.191 60. 4. 京樹

出 版說明

次 咸寧 理 為 的,它的主要作用約 To. 十六部,七十五卷 年 (公元 二七 九 年 及玉 , 律、 汲郡 鐘、 人 不準益發魏國古墓, 幣、 銅 劍 没家書的 發現了竹簡文古 出 1; 對 於我 海十餘 國占 史 的 萬 究研 言 後來

要意義

有下列

的三

個

方

m

rii. 的 iffi 可 地 述 H 馬 方。 帝 他 等都 我 國 們 發現 難 的 訂 然這 利 首 3 JF. 用紀年來 了史書 都 解 了古代文化交流 尼尼微 些說法 到 遠 在 的 不一定 公元 研 記 丁識 究古 載 M 没家紀 方面的 可難, 史, 程天子傳地理考證卷二 114 111 單是 紀 重 年 還有待進一 時 70 要 同馬彪一人, 和穆天子 書籍一穆天十 歐公國文 步探索 傳等書豐富了古史的 化 就 , 交流 , 好的發現,不但提供了古代亞洲的地理資料 根據紀年駁正識周的古史考一 可是周穆王西 也有人說他到過黑海以 的 情 形 有人考證周 内容。 征這件事值得我們 晉代學 北東歐 穆王 者 百二十二條。 pų. 加 臣瓚、 征 大草原一帶 到了古代 重 一視却是 徐廣

15 H 細 條, 的 研 究 為整 證 明 衛恒寫 秦 理 戰 未 統 國 成古文官書 時 文字以前 代古文字提供了良好 į 戰國古文是因時因地 卷,續咸 條件 成汲冢古文釋十卷 晉代古文字學家德恒、 而異 的 衛恒 並 分 續 咸等 析 T 對於 Ā 字 異 汲 形的 古 文字 文經

好 過 無

可

懐疑

的

出版說

汲

的易經 皇 一晉 以 帝 A 及 指 從 與 事 派 多 的 汲 有關 家 有 書 rig 的 的 書 是 研 和 自 究整 傳 動 世的 参加 理 的 易經 , 的 除 比較異同 他們 E 述 的 幾 7 家 作 以 對於 外, 肯 定 有 還 些重 有 成 續 荀勗 要史料 , 旧 也 和 嶠 像周食田 有 缺 束哲 點 等很多 法 例 加 沒有 論楚 人。這 事等未 把 汲冢 些 A 能 發現 有 的

×

视

D

致

in

些資料完

全散

佚

,

都是令人

威

到

遺

儢

的

×

×

史, 孔壁 15 ٨ 知 古 其 文經 認為汲冢書是 不 然 殷墟 L_0 甲骨是我 足偽作, 九三九年途 國 朱希祖先生 文化 致 力於這個 Ŀ 的 一不同意 三大 發現 問 這類 題 的 研 並 的 究, H 看 法, 說 寫 舊時 他在 成了這部汲冢書考 錢玄同 以汲冢古文書爲晉人 師承記 文里認為汲 偽 造 豖

柱 帶 在 古文 1 考 論 古 所 訂 證了 本書分玉 代 用 J 文字 史記 的名 汲家 說 學 稱 的 魏 書 個方面對於汲冢書作 世 的 Ŀ 巽 此外還 家 的 同 出 土年 員 , -獻 辯 魏 月、 明了韶定古文官書為晉衞恒所寫, 探索了古代竹簡 哀王 篇 出土 H __ 老 是 詳 地 Ì 考證 細考證 魏襄王 點 素 發掘人姓氏、被 ·絲編的· T 來歷 一之誤, 汲冢 書 文字, 書籍制度。 周本紀 7 六部 發的塚墓墓主、 篇日 不是漢代 七 周報 十 和 文字考考證了「 五卷 内容,校理年月, Ŧ 衞宏 的 內容, 和 同時 所 }紀 撰, 年 出 指 小篆 上的 並肯定了衛恒、 出紀 周 隠王 _ 校理人物。 其他古 年 有 科斗 都不 和 物, 嶠 是諡 初

了竹書紀年

和周書是偽書的說法。被理年月考把汲冢書的編校寫定分為三期,第一期(公元二八一一

本與

束皙改定

本之别,

穆天子傳也

有荀勗

本へ

穆天子傳

和

束哲

本へ

周王遊

行家

一之別,

同

時還

駁斤

和嶠、 三〇〇年)以束皙爲主。 二八七、八年)以荀勗、 華廙、 臣譴、 臣勳、 分別說明了這三個時期工作的進展和 和嶠爲主,第二期(公元二九〇年)以衞恒爲主,第三期(公元二九六一 臣給、 臣宙、 臣職、 何邵、 將俊、 黎虞、 成績 衞恒、 校理 人物考分別考證了荀勗、 華嶠、 繆徵、 虞濬、 賈

貢獻

東哲等有關人物的事蹟,以及他們對於整理編校家汲書的

此 但多着重於某一個方面。比較系統、全面與來考證這個問題的,要算朱希祖先生這部汲家養考。 我們把它整理出版,以供研究古代史或從專古典文獻整理工作的讀者 我國近代的學者如朱右曾、王國維,會對於汲冢書作過一些研究。他們的文章都有些可取的見 签考

因

中華書局編輯部一九五九年十二月

DIOHIMA



汲冢書校理人物考第五	没家書校理年月考第四	汲冢書篇目考第三	汲涿書文字考第二	周赧王周隱王考	附 魏哀王魏令王考	没冢書來歷考第一
曹校理人物考第五			The state of the s	王周隱王考	魏哀王魏介王考	

目

錄



汲冢書來歷考第一

得年

元二八〇年),晉書卷十六律曆志汲家得玉律,亦云太康元年,此一說也。 聞箋 書所得 云 晉斌 帝紀 年月, 本起居注①,此一說也。衛恒四 約有三說: 晉書卷三武帝紀繫於咸寧五年(公元二七九年)十月, } ## 書勢、 王隱晉音來哲傳②則繫之太康 荷島穆天子傳序、 閻岩 元年 唐修 璩

所建齊太公呂望碑亦云太康二年,此又一說也。

晉書卷五十一東暫傳則繫之於太康二年(公元二八一年),太康十年(公元二八九年)汲令盧无忌

帝紀 之說, 雷學洪竹書紀年考證云:「竹書發於咸寧五年(公元二七九年)十月,明年三月吳平,遂上 錄其實也。餘就官收以後上於帝京時言,故曰太康元年(公元二八〇年)。 束哲傳云二 之。

郡府 年,或命官校理之歲 命藏於秘府,至遲必在太康元年(公元二八〇年)正月。 (公元二七九年)十月, 亦有疏失之慮, 也 何能待至吳平而後獻邪?當收藏秘府之時,正大皋伐吳之際, 當時地方官吏即表聞於朝,汲至於京雖隔黃河, 」案:雷說是也。 惟云「吳平途上之」,恐尚嫌過久。 否則露積於没家, 相去不過二二日程, 則有散佚之虞, **葢出土在城寧五年** 軍事孔亟,未 保管於 及帝

汲冢曹來歷考第

理也 王隱晉書來哲傳 及三月吳平, 論 云 :「汲郡初得此書, 功行賞, 吳土戰亂, 尙 表藏秘府, 未 全 定, 詔荀勗 故至太康二年(公元二八一年)春始 和嶠以隸字寫之。」可以證明之。 命官校

出

地

三事不同時也。

古 杏 晉書卷三武帝紀:「咸寧五年(公元二七九年)十月……汲称人不準掘魏襄王家, 史記卷 萬,藏於秘 五秦本紀:「莊襄王三年(公元前二四八年),蒙驁攻魏高都、 府。 一荀勗 穆天子傳序云:「汲者,戰國 時魏 地 也 汲, 拔之。 得竹簡 上是汲

在今河南省汲 魏之證。秦本紀正義引括地志云:「汲故城在衞州所理汲縣西南二十五里。」案晉之汲郡汲縣, 縣之西南。清一統志云:「家在今汲縣西二十里。」水經云:「清水又經過汲縣北

陽 釣於 亂道 7 慮无忌為汲合,立碑於其上。」案太公呂望碑今尚存,末書太康十年(公元二八九年 九日 此 元 也 注云 甲申造, 城東門北側有太公廟, 縣故汲郡治,晉太康中立。 中有云「太公之裔孫范陽盧无忌自太子洗馬來為汲命」,又云「太康 廟側高林秀木,翹楚競茂, 城西 北有 石 爽水 飛湍濟急,人亦謂之磻溪,言太公嘗 相傳云太公之故居也。晉太康 二年(公元)三月丙 中,

范 申

二八一年

.),縣.

之西偏,

有盜發家,而得竹策之書

」,然則竹書出上在晉汲縣西偏。

清

一統志所謂

荀 厨, 穆天子傳序:「汲縣民不准,盗發古家。」晉書卷三武帝紀: 汲郡人不準, 掘魏襄王

東督傳 不之為姓,蓋係平之省文。春秋僖公十有一年經 何避晉書普義:「不,甫鳩反, 姓 也 「督殺其大夫平鄭」,史記卷三十九晉世

之省作「准」也。汲屬於魏,本為晉地, 家作「邳鄭」。「邳」為後出之字,「平」為初文,省作「不」。蓋「平」之省作「不」,猶「準」 則不氏為晉平氏之子孫,似非臆 說 也

四家主

汲家為魏安釐王墓者,王隱晉書東哲傳 言汲冢為 魏襄土墓者, 晉書卷二 武帝紀、 言及家為魏襄上墓 卷十六律曆志、荀勗穆天子傳序、 或言安釐王冢而不定厥辭者,唐修晉書 衛恒四體 書勢。

卷五十一束皙傳。

所得紀年, 六國年表, 此諸說皆無確證。言汲冢爲魏襄王冢者, 蓋魏惠成上子合王之家也 自合王二十一年(公元前二九八年)至秦始皇三十四年(公元前二一三年)婚書之歲, (「合」當作「今」,說詳下附考),於世本蓋襄王也。 溢因紀年終於魏之今王。 荀勗穆天子傳序云: 「案

十五年,及至太康二年(公元二八一年)初得此書,凡五百七十九年。 @ 轉史記之哀王,即此本

汲家書來歷考第

腲

+ SF. Th ZX. 校 4-年 時 稱 爲 ---1 今王 然 4-, 年 今王 未 卒, 何 能 卽 以

故 卒 荷 副 所 記 = 諸 4 年,以 盖 指 迴 }紀 護 年 紀筆 其 、說者。 後 之年 , 後 四 人 7 誤 14 以 到 為 竹 書 入 豕 之年 ·則 不 可 通 也 、哀王 於 是 二十 又 有 华, 間

始 稱元 三年 喪畢 条戦 始 稱 國 元 之時 年 其意 鮮 有 謂 行 哀王 三年之喪者 二十年 史記卷 ji. 已卒, 其)是記 說 世家索隱 旣 稱 不 足信 良工 , 又踰 三十三 云:「汲冢紀年終於 年 年者 改 元 以其子 N 有 Z 昭王 総 车 喪畢 恋 ξĠ

震

之冢中, 未之 葬,諸侯 兩代 聞 事 Hi. 未即 木 H 月面 哀王 書 Dut 既卒, 諡 H 襄王之薨至 **非必稱** 故仍其文曰 何以稱「今王 諡,如葬 一安釐上 今王, 其為襄王 相子 之葬, 平? 是也。 是又不 已五 諸 家所得 侯卒稱 + 餘 可通也。 年 1質稱名 無疑。 , 3 亦無不加諡之理。」案周 左暄三餘偶筆 若以爲安釐 4 亦 稱證 云: 王 如隱公三 冢,不應 襄王 制 一年八 非 缺 天子 昭 時 月 Ŧ 以 庚辰 淮 此 安釐 月 書

廿二十 公和卒, }紀 年 為 冬十 年至 魏 或 有二月癸未葬朱穆公 國 史, 十三年史官 從 古至 个, 失職乎? 未聞 是也 以其 义云 左氏泥 一若為 國 史殉 安 釐王 於紀年 葬 者 冢 , 為魏 且亦 不 應 未 國 史官 間 缺 昭王 殉 弊 所 之國 記 安盤 則 史 必 Ī 何 記 兩 僅 至 代事 記至哀王二 其 不書 所 葬 之王 左氏 十年 末 詚 朱

則 篇 目 汉冢 為 考 魏襄王 知)。自晉 紀 (年 冢 書為 EX 以 安釐上 來 編年之通 都 家 誤 認 皆屬 史, 紀 年 非 脆 為 湖 魏 編年之國別 國 國 非 史, 有 他 故諸 種 史;為魏 售 籍 荻 4 解 或 釋 國 物 , 私家所記, 牽強 H U 寫 附 證 會 非為魏 據, 多 則 不 國 不 可 通 12] 史官所記 斷 定 此 爲 說 何 旣 說 Ŧ 阴

2

詳

家 年 與 周 严書、 國語 及穆天子傳等, 皆為普通 災害傳記, 偶以 殉 葬,不可據此以斷 定 何王

竹

書

從

魏王冢者, 魏王 汲冢 亦屬 自襄王、 中既有玉律鐘磬⑤, 合理 昭王、 惟苟無其他實證, 安釐工、 則爲王者之冢自無疑義。 景湣王皆可,惟不能出於襄王以前耳 則謂為襄王冢或爲安釐王冢,皆屬武斷 mi 汲為魏 地,紀年為 魏國 不 足為 人所 訓 記 蓋所謂

謂 為

KN 魏哀王魏令王考

實錄, 家惠王 身,東敗於齊, 即惠王之比(案皆以稱王而改元耳)。而『襄』之爲『哀』,直以字近而訛耳。」清崔述孟子事 王實為襄王, 相王也,追奪惠王為王,則孟子對惠王語何故曰「王何必曰利」,曰「王好戰」乎?若襄王之 王,而無哀王。然則卒王者,襄王也。 元,稱一年,改元後十七年卒,太史公書為誤分惠成之世,以為二王之年數也。世本惠王生襄 哀王。 o }史 迎記 三十五年(公元前三三六年)孟軻至梁,及襄王元年(公元前三三四年)王與諸侯會徐州 以為孟子見樂惠王在稱王改元後十二年楚敗魏襄陵之後,故惠王語孟子曰:「及寡 記 翻 卷四十 世家之 三十六年卒,襄王立,十六年卒,並惠、襄為五十二年。今案古文惠成王立三十六年 形近而誤。元吳師道校正鮑注戰國策亦云:「愚按秦惠之十四年, 長子死焉⑤;西爽龜於泰七百里⑤;府辱於楚⑧:寡人恥之。 四魏世家集解 哀王 為 「襄王」之誤,今本穆天子傳荷島序之「令王」為 云:「太史公書惠成王, | 索隱云:「系本襄王生昭王,而無哀王。 但言惠王,惠王子曰襄王 」岩依 亦改後 ,襄王子日 一機此 **火史記魏世** 「今王 元年 則哀

W.

家山兴

砂架香來騰考節

极

惠成王 改元後之年, 則孟子 見梁襄王即魏世家之哀王,孟子門人所記,不 當 贬

世本有襄王無哀王,則史記 因字形相似,誤「襄」為「哀」耳。案:吳、 崔之說是也 「衰」寫

史記卷四十四魏世家集解:「荀勗日,和崎云紀年起自黃帝,終於魏之今王,今王者,魏惠

年表, 天子傳西征講疏:「高續古史畧云:『按襄王郎惠成王子靈王也,世本以為襄王。又按史記六國 和崎主編,故稱和崎云云。島為紀年序錄既稱「今王」、不應於穆天子傳序錄稱「今王」。近人穆 成王子。」此葢出於荷島紀年序錄。 九年。 自靈工二十一年至秦始皇三十四年燔書之歲,八十六年,至太康二年初得此書,凡五百 」高氏述此書,幾於全引荀勗序, 玉海引中與書目,紀年三卷,題荀氏序錄可證②。 蓝紀年為 而兩稱靈王。 靈王即『合王』,合靈古字通。

雅澤計 且有作『靈王』者,是亦竹醬之異同也。」案:此說非也。 云「靈,善也 』,即爾雅釋計『令,善也』,是其證。然則一作『今王』,一作『今王』, 「命」爲「今」字形近而誤;「靈」

又爲「介」之同音義而 改寫耳,實亦誤也。

在位二十三年而卒,又係善終,不可謂短折,何以諡「哀」。其必爲「襄」字之誤無疑。 右文繕寫已,又思周書諡法「蚤孤短折曰哀」,「恭仁短折曰哀」。案史記魏世家,

附 周赧王周隱 王考

周赧王或稱周隱王, 赧王見於太史公書,隱王見於古本紀年旬。 **秘與隱皆非諡也。史記卷**

公元 周 本 前二 紀 五六年), 慎说 -)-N 六 纤 崩,子 Ŧ 攻西 赧 王延 , 西 71 周 王赧 君 時 東西周 頓首受罪, 分治, 上极徙 盡燃其 邑三十六 都 西周 五十 口三 九 萬 年

既亡, 秦受其獻,歸其君 故王 報無諡。一王 於周 秦昭 周君、 赧」云者,「王延」之同 王赧 卒。 上案: 本秦, 1 音假借 弘 與西 字也 1 君皆卒, 三十六邑已盡獻 秦滅 六國。 迎記 皆 書其君 於秦 B 周 王

某,

如

韓王安、

麵 王假

超王

認

燕王

喜

齊王建

楚王負錫。

而周亡不啻日王延者,周本

索隱云 个音 E 同 奴 即王延也 公: 按倘 然周究為宗主之國, 延 科 板 卒 反 書為 史記 上據此 書中候以 史記稱 慎觀王 土和 卒, 則 尚 古 王赧卒 以王延生時七國之人均以 書「崩」,而春秋經書天子崩, 「報」為「 稱 般王 故以同音之字書之,聊 為 ١, 不會「崩」。已降同語侯》 然 然王 L_0 鄭玄云 考一 小國諸 為避諱。 然二字一般 一然」讀日 侯视 皆曰「天王崩」,不稱名,豁侯則 於是或書為「然」,或書為「報」, 之,故往往 L_ ---報」。 與春秋隱公三年經 字, 與 王 「延」音近 稱其名為 被: 古音人 計 -1-相 延 韓 朱公和 扇反 或為 然 稱 111

或書為「 稱謂 隱面。 書 法 升降之故, 自晉以 外來, 輒望文生義。 學者 4 往 不明古音韵, 如晉皇前鑑 云:「赧非諡 時於延、 隱、然、 , 諡法無 赧四字音韵相通之理及 赧 正以微弱 編飲

債, 赧王 赧 一之謐, 然 慙愧 住 逐疑 , 東西,足為 放號 此等竹書必出於魏安釐王家 日 赧 慙赧 (13) 隋王邵 故號 日報。」四义晉 云 爾 雅 ;因赧王之卒在五十九年 THI 人如 懸日 秘 王隱等, 13 唐劉伯 見紀 年有周隱王之稱, 莊 云 為魏安釐王之二十 郝 是慙恥 以「隱」 之甚

法之例, 晉人初得竹書,皆稱出魏襄王家,謂出於安釐王家者,葢自王隱始 年(公元前二五六年),安釐王三十四年卒,竹書發於安釐王家, 輒妄相推測, 糾紛錯亂, 古史為之蒙蔽,千百年來莫之能明。 也。 故稱赧王之諡爲「隱」。 甚矣,治古史之難 此皆不 明古 音 韵、 古書

五 葬物

晉書 卷五十一束皙傳云:「家中又得銅劍一枚,長二尺五寸。 」晉書卷十六律曆志序 云: 武

郡盜發六國魏襄王家, 劉恭 帝太康元年(公元二八〇年),汲郡盗發六國時魏襄王家,亦得王律。」又審度篇云:「荀勗 依周禮制尺,所謂古尺。依古尺更鑄銅律呂以調聲韵,以尺量古器,與本銘尺寸無差。 得古周時玉律及鐘磬,與新律聲韵同。」圖據此則汲家所出古器,官得四種 部著作 叉汲 E

玉律, 日鐘。日罄, 日銅劍。

得 樂器,而竟化爲鳥有,惜哉 之樂器、 束哲傳义云:「初 銅劍外, 必尚有禮器及日用之器孔多。 發冢者燒策照取實物, 及官收之,多燼簡斷 然徒為盗所 得, 不 札 能考見古代制作, 然則當時所 出古 如荀勗之考 器, 除官

六書制

汲冢書簡册制度,以荀勗穆天子傳序言之稍詳,其言曰:

不遊 Sint 發行 务 所犯發替 菜絲絲 是 报 hij 抓 彩 Tie. 3 尺度其 飾 3 長二尺 四 寸, 以墨

一 簡 ĮĮ.

例如 已改 荷島 觀漢 汲郡汲縣發魏襄王冢,得古書册七十五 隋書經籍志有古文 樂語 不知七十五卷者, 周 書藝文志, 篇爲十 為今隸紙 此其證也。 築 五十七 警七十一篇,包括於雜書十九卷之中, 束哲皆不明言, 戰國之時, 一卷, 籍者,古文竹簡出於孔壁者也;四十六卷者,孔安國以今文讀之,書於帛素,故稱為 本,而古文竹館, 汲冢之書,容以古文,著於竹簡,除斷節殘 凡戰國古文舊害皆稱篇, 指晉時寫以今隸,改爲紙本而言,其汲冢古文竹簡原書究有若干篇,仍不能知也 亦其 **曹以古文**, 此其最疏 113° 四卷,至隱晉書東督傳稱為十一卷,蓋荀勗本合十一篇為四卷,東哲 唐修晉書, 乃爲七十一篇。 容者。 著之价簡, 王隱晉書東哲傳 卷 館卷清 及漢以今文寫之, 唐修晉書束督傳 故稱為篇 荀赐 倒, 其他各資, 111 途致<u>岡</u>書七十一篇包括於雜書十九篇之中,而 經 新籍 催云 至於 岩皆以 汲冢周 始稱 昧於篇卷不同之制,妄改爲七十五篇 大凡七十五卷。 編不能校理外母,其完整者究有若干篇, 漢代。書以今文, 卷, 此例推之, 書 如尚書古文經 十卷,采於隋書經籍志者 史記周本紀 則篇多卷 著之帛素,故称 四十六卷為五十 少可 正義亦云按 本奶饭 知 為卷 也

氏 即象絲編 所謂 竹館素絲 之形, **狄**冢害來歷考第 册之兩邊以韋(皮也)包之。孔子讀易,章編三絕,蓋謂所包之章、 編者,謂竹館 以素絲 編為別也。 那之篆文為凘, 象形。 編竹簡以爲册 九 横線

知 、其謬,

致使後

人疑汲家無問書。

此皆不明

簡 刑制

度之過也

葢分 紙寫上 **潜,**勗新 獲付簡 齊之尺,齊代所 汲冢書以 長 依 周禮制尺,所謂古 荀氏 汲冢書以素絲編, 日 二七三年),中書監荀勗校太樂八音不和,始知後漢至魏,尺長於古四分有餘。 銅 四分华。 斛 爲 絕 所謂「以 兩 二,二尺為晉尺,當古尺二尺四寸。 書青絲 也 則 行 古 尺也;今尺者,杜夔尺也。 六日古錢,七日建武 書, 寫 所校 尺度之,長二尺四寸; 汲冢 臣勗 成 編 个隸, 每行二十字, 出楚冢書亦為 占 書册 前所考定古尺度其簡,長二尺四寸」者,案晉書卷十六律曆志: 簡廣 独 楚冢書以青絲編。楚冢書廣數分,汲冢書不言廣而僅言長,是亦荀氏之疏漏也 有七品: 尺也。……與錦其尺曰:『晉秦始十年(公元二七四年),中書考古器揆校个尺 M 亦空口 數分,長二尺。 邊有章與 則黄 、戰國時 一日姑洗玉律,二日小 一若干字, 一銅尺。 否 | 而以晉 紙) 銘八十二字。」此即勗所稱「前考定古尺」也。古尺短於晉、 物, 荀氏 所寫,亦每行二十字。 姑洗微彊, 此實 有得十餘簡, 以齊尺度之,長二尺, 尺度之,當亦 未言。 謹 葢當時黃紙寫上者,仍做竹簡古式,其一簡四十字 嚴 之至 西京望泉微弱,其他品皆@與此尺同。』(志云此尺 齊書王僧虔傳:「文惠太子 也 呂玉律,三日 以示王僧虔,僧虔曰是科斗書考工記。」案: 長二尺個 若有折簡奪文,則可依其尺寸而知其 0 易為戰國時尺,當亦長二尺四寸 故島穆天子傳序謂 西京銅望泉, 鎮雍州 「武帝泰始九年(公元 勗乃部著作郎劉恭 四 日 有盗發楚王冢, 金錯望泉,五 謹以二 *者, 尺黃

近人穆天子

傳西征講疏云:「葢古者墨書即漆青也,儀職工昏禮鄉注「墨車,漆車」可證。」案此說是

荷氏

所

謂

Li

墨書者

,

案王隱晉去夾晳傳云「

得竹

審隊字科斗之文」,唐修晉書來哲傳

亦云漆

C

- 1 案:隋書經籍志晉威寧起居注十卷,李軌撥。 史記周本紀正義謂在晉咸和五年,此實咸寧五年之誤
- (2) 杜預發秋左氏經傳集解後序,正義引,下同。
- (3) 左傳後序亦云:「紀年至總真王之二十年,是周魏王之十六年,上去孔丘存百八十一歲,下去今太康三年五百八十一年。 應先告齊太公出望碑云 「縣之西偏,有盜變家,而得竹策之書。 蜚藏之年, 當奏我儒之前八十六歲」,即本高說。 良王二十三年乃卒,故特不稱諡,謂之今王。」
- 4 如晉書卷五十一束暫傳所載梁丘藏一篇,中有愈聽之世數者。然諮家皆據紀年而不引梁丘藏,蓋所記世數,亦不足聡明爲
- 6 (5) 見下物品條。

蹇王蒙爲安釐王冢也。

- 案:史記卷四十四魏世家在惠王二十八年。
- 7 氏、焦。……七年,魏藍入上郡于秦。」 案:史記魏世家襄王五年:「秦敗我龍寶軍四萬五千子雜陰,屬我無、

曲沃,予秦河西之地。

六年,……秦取我汾陰、皮

- 案:即十二年楚敗魏襄陵事。
- 案:劉向校書,每一書已,向關條共篇目,攝共日意,像而發之,故有別錄一書。 宋,有「謹以二尺黃紙點上,請事平以本簡普及所新寫並付務書籍寫」云云,是亦錄而奏之也,故紀年等書亦有序錄。 太平御覽八百八十引紀年數周際王二年事,管干寶搜練記亦漿周縣王二年事而較詳證,蓋亦引自紀年。 **而島盡師其意而爲之。其穩天子傳序錄**
- 韵十三十四部為同類而部近之十三部在第五類,十六部在第六類,則爲類近,其音皆可轉,所謂占合韵也。 從延,厂際。」段玉蔵云:「厂、延、遞、曳,古韵在十六部,延讀如移也。今音以然切,則爲十四部。 案::「縣」字在段玉裁古韵十三部;「赧」字「然」字在十四部;「延」則古韵在十六部,今韵轉入十四部。 段氏之例,古 說文:「延,

史記卷四周本紀索際引。

同上引。

(3)

周本紀正義引。

案:商品傳所記與此各同。

宋小字本晉書奪「他品皆」三字。 晉書卷十六律曆志:「葡島新R, 惟以調音律,至於人間,未甚流布。」然則晉代人問通用之尺,必長於古尺也。 晉書卷五十 (束臂傳:「初發家者, 總策照取資物。及官收之,多處簡斷札, 文既殘缺, 不復詮次。」

汲冢書文字考第二

關於汲冢書文字,舊有三説

得竹簡小篆古書十餘萬言,藏於祕府。」此稱汲冢書文字爲小篆,一說也。 一、小篆說 晉書卷三武帝紀:「咸寧五年(公元二七九年)冬十月,汲郡人不準掘魏襄王家,

編科斗文字。」又云:「科斗文久廢,推尋不能盡通。」此稱汲冢書文字為科斗文,又一 二、科斗文說 杜預春秋左氏經傳集解後序:「汲郡汲縣有發其界內舊冢者,大得古書,皆簡 說也

發古家所得書也。」此稱汲家書文字為古文,又一說也。

荀勗穆天子傳序:「古文穆天子傳者,太康二年(公元二八一年)汲縣民不準盜

三、古文說

案: 汲冢書文字實爲古文而非小篆,稱科斗文,俗名也。王隱晉書束晳傳云: 「太康元年(公元

細,似科斗之蟲,故俗名之焉。」①衞恒四體書勢云:「漢時魯恭王壞孔子宅,得尚書、春秋、論語、 二八〇年),汲郡民盗發魏安釐王家,得竹書來字科斗之文。科斗文者,周時古文也,其頭麤尾

之語, 孝經,時人以不復知有古文。謂之科斗書。」此其證也。 國維科斗文字說云:「科斗文字之名,先漢無有,惟漢末盧植上書有『科斗古文,近於為實』 而其下所言乃毛詩、 左傳、 周官,不及壁中書。鄭康成書贊云『初出屋壁,皆周時象形文

汲冢書文字老第二

時起居注 失漢代策文,皆用篆不用古文(見獨斷及通典),而謂之科斗書,則魏、 **省謂之科斗書,其意義又一 竹簡一枚,上兩行科斗書。** 杜預春秋後序、王際管書來哲傳及今晉書來哲傳,皆云汲冢書為科斗書,是科斗書之名起於後漢 大行於魏、 今所 調料 商 故以俗稱科斗書誤為小篆, 晉以後。 31-別之書,皆科斗文字 1___ , 且不獨古文謂之科斗書, 始以古文尚 變矣。 司空張華以問來哲, **二**案: 寫 一,始以科 而不知當時所稱科斗文,實古文也 和 斗書。 王說是也。 哲曰:「此漢明帝 然慮、 印象書亦蒙此名。 斗之名爲先漢已有。 晉時古文、篆文, 鄭以前 未嘗有 類節陵 束哲傳 實則此語 此 皆稱科斗文。武帝紀本於晉 名 晉間凡異於通行隸書者, 中策文也。 굸 也。 盛 偽 E:=J 一行於魏 有人於嵩高山下得 孔 安國 」檢驗果然。」 尚 晉以後, 書序亦云

而淳不 最為 之科 縣 人盗發 斗書。 而古文絕矣。 工 摯虞撰定官會(2) 特箭其者正汲家書 晉書卷五十一王接傳:「秘書丞衞恒考正汲冢書,示訖而遭難。」案:衞恒世傳古文,故當時 是漢壁中古文與晉汲冢古文相同也。正始中(公元二四〇——二四八年)三字石經雖失淳法, 别 妙馬,恒氣悦之,故竭愚 至正 魏襄王家 **淡世秘藏,希得見之。劉初傳古文者,** 始中立三字石經學,轉失淳法,因科斗之名,遂效其形。 漢時魯恭王壞孔子宅, 得策書十餘 思,以贊其美。」⑥案: 為言。 案敬侯所書,猶有髣髴。古書亦有數種,其一卷論整事者 得尚書、 也。 恒撰四書體勢,其古文字勢云:「秦用篆書,焚燒先 出於邯鄲淳,恒祖敬侯③寫淳尚書, 春秋、 衛觀寫邯鄲淳古文尚書,其字勢與汲冢古文相 論語、 孝經,時人以不復知 太康元年(公元二八〇年), 後以示淳 有古文,

1 3 之名 逐效 其 形。 然字 勢疑器異,而 字體 11 4 同 魏 晉當都 洛陽 公元二八一

勗 古文寫為練書看,全職三字石經古文、隸密並列,檢得古文即 於太康 故得 正始 八 迅 年(公元二八七年)前未繼尚替合時,即將新寫定汲冢營全部列入中經⑦。 速 01 立三字石經 成 一**替。穆天子傳不過** 不過四十年,其字完 · 年即完全寫成, 其他 全: 411 段。 有島 各書葢亦同時或不久即寫墨, 和編 知隸字,檢得隸字即知古文, 臣職 衞恒、 束哲等校讀汲冢 太康十年(公 故中書監 無勞考 一街

元二八九年)汲縣令廠无忌立齊太公呂望碑, 已引汲家諸書若紀年及周志也®

石經左傳。 始收浆之,十不存 遂 數考,經數據 朝之初固安然無恙也,故衞恒得以三字石經之古文字勢比較汲冢之古文字勢。王國 內省, 後漢蔡邕所書石經 沒於水,其得至鄰著,不盈太半。至隋開皇六年(公元五八六年),又自鄰京載入長安,置於秘 淺欲 籍 Mi 補 707 征記、 緝,立於國學。尋屬隋凱 0 一三字石經術書 其相承傳拓 魏正始 洛陽伽藍記為约齊、 石經,後魏之末, 之本, 九卷,梁有十三卷。 稻在秘府。」 事遂寢廢,營造之司,用爲柱礎。 春秋二部, 齊神武執政, 隋志 三字石繦春秋三卷,梁有十二 是三字石經至北齊始因 同。 自洛陽徒於鄰都, 唐資經籍志、 貞觀 過移 新唐書藝文志 行至河陽 九字,桓 維魏石經經數石 m 初,秘書監魏 致殘缺 卷。 ,值岸崩 有三字 又云 晉中

极 (家書考 汲冢書文字考第二 石經每碑三

一十五行,行六十字,表裏刻字,

則每蔣四千二百字。

6個書、

春秋、

左傳三經,須一百五

征記(9)

為三十五碑,洛陽伽藍記約二十五碑

石數則提水經驗水注為四十八碑,西

十六字。

蘇續

級維持陽

蘇望所刊魏石經遺字

除尚書、

落秋外,

亦有左氏植七年傳

十七年

三字石經古文,約有四萬九千字(以十四萬七千字三分之一計),而其字皆出於尚書、春秋及左氏 題等字未計,共四萬四千五百六十一字。每字三體,得十有三萬三千六百八十三字。今依 二公傳, 隸古定」即者尚多 五碑字數計之,得十有四萬七千字,葢所刊 則 *J*5 桓、莊傳, 尚不足容尚書、 能 共 容 之。 九千三百三十九字, 疑 當 以之考釋紀年古文, 也 時 春秋三經字數。 所 刻 左傳, 加以尚書 實 未得全書十之二三。 而水經注之四十八碑,實為漢石經數。 最為適宜, 一萬八千六百五十字⑩,春秋一萬六千五百七十二字, 左傳 而穆天子傳容有未備,故書中依古文形體 當至莊公中葉而 隷續所錄左傳, 止。若如洛陽伽藍記所 乃桓公末年 據王氏推算, 7 案隱 西 則當時 征記 illi 十五 寫為

攝時 言甚 皆同 出不同 赤驥」, 有六書 字而 諦。 許愼 務為「隸古定」以存其真。或謂穆傳中空口缺文,皆助等不識古文而缺之,此質非也。 然匪特六 說文解字敍云:「七國之時,文字異形。」王國 並 ini 異 異者, 形 :一日古文, 用 而後又作 耳。 惟其 同 亦有由時代不同而異者。例如穆天子傳中前有「華騮」,而後又作「繭騮」, 國古文與秦續文異形也, 「赤麓」, 如 時代之文字,而 孔子壁中書也,二日奇字, 此,故汲冢書古文雖有三字石經可以檢尋對照,荀勗等亦不能蓋 前有「白義」, **曹寫不能畫一,今存三代鼎獎銘刻,** 六國 古文, 而後又作「白俄」。 即古文而異者也……」案:古文之異,固 亦 各有 維謂戰國時秦用籀文,六國用古文也 漢其 形 者。 華、 說文解字敍所 黼, 亦 多此例 職、 龍,義、 謂一亡新居 此 誠り 亦古文中 前 ,其 俄 有 有 曲

文 M 所有 1 ,然務為「隸古定 宁 , 以 即依古文下之隸字寫之,其古文字形為三字石經所 至數十字不等,近 ١, mi 不敢徑 人程傳十論言之詳 改為某字, 如上述黼、 矣。 **蒸當時以隸字寫古文,** 龍、 無 者, 俄三字之例, 雖讀 其 上下文而可知其 其古文字 此亦審慎

酒。且其義之是非,亦可以留待後人重行者正也

余流 林有 條, 傷宏韶定古文官書 撰。 後記云 云 與所引詔定古文官書體例不異,知皆引自一書,省稱古文」云云。案:史記 衛宏認定古文官書考, 一卷,首引許慎說文解字三條:「嚴」字下云「衞宏撰」云云母 郷巴蜀 」新唐書藝文志:「衞宏韶定古文字書一卷〈案「字書」乃「官書」之誤〉。」孫語 衛宏說 八古交說。 則唐 籍 未掛此 呂忱 時古文官書實以古文寫之, 於時李監易冰 -三條, 「古文官書一卷, 古文孝經者, 或字多奇 為,不知所謂錄及冢語古文有何證據。 馬氏皆以 日「琴得同體 謂此書實係普 ١, 為出 則古文官書體例, 孝昭帝時魯國三老所獻, 獨能篆書。 衞宏詔定古文官書, 後漢議郎衛敬仲 一,日 故俗 衛恒所錄汲冢書古文,以備小學之一家耳,非漢衞 開封命服之者,陽冰子, 稱 **枪桴同體**」, 科斗音 質如衆經 撰。 然實不 也 建武時給專中議即衛宏所校、 」唐灣經籍志:「詔定古文官書一卷, 音義所 然觀馬國翰玉函山房輯逸叢書韶定古文 。考許冲奏上 日一 足據。 引 圖啚同體」。而引古文者二百餘 授余以其家科斗 「用」字下云「衞宏説」,「勪」 馬氏又云「唐玄應衆經 皆古文面 說文解字書 正義論字例云「衞 異 形 云 孝經 者 皆口 唐 宏 譲續高 韓愈科 旗 撰的 漢衙 又學 宏 引

家書老

汲冢書文字考第二

其 說 謎 撰 具 籍形 上。」是唐 代 所 傳科斗孝經 及官書 必皆以 寫 本衛 宏所 害, 故合 nn

傳之。

引衞宏韶 漢書 儒林傳正義引作衞宏韶定古文尚書序。史記卷一百一是銷傳: 儒 |林 定古文句 傳注 引衞宏韶定古文官書序一案既於書」云云, 書序 云 「徽之ノ老不能行,遣太常掌故量錯往讀之。年九十餘,不能 後漢書陳書傳 「太常遺銷受尙書伏生所。 注同;而 史記 卷 正言, 百二十 正義

不可曉 儒林傳注 亦暴引此文,則作衞宏定古文尚書序,經典釋文引此文,則作衞宏古文尚書序 使其女傅 言教錯。 齊人語多與潁川異, 錯所不 知者, 凡十二三,略以其意屬讚而 已也。

釋文寫不誤。 案: 衛宏之時無韶定古文官書之事,衙恒時則有之。諸家所引, 自隋齡經籍志誤以古文官营為衛敬仲へ即宏)撰,於是衞宏 皆衞宏百交尚書序。 古文的書序遂誤爲衞宏古 惟陸德 明

漆書古文的書 尚書序即古文尚 灣序, 彩襲糾紛, 不可判別。 文官書序。自唐代有衞宏韶定古文官書之名,於是史記正義等遂誤以衞宏 一卷,常寳愛之, 書訓旨序,說文所引衛宏說, 後漢書編林傳,衛宏從大司空杜林受古文尚書,作訓旨。 雖遭 戴国, 握持不離身。 亦即古文尚書訓旨說也。 出以示宏等日:「 又杜林傳: 百文尚書序為韶定古文尚 林流離兵亂 |林 前 則所謂古文 常恐斯經 於西州得

非古文官書明 何意東海衞子。 矣。 . 濟南徐生復能傳之。 宏、 巡益重之,於是古文遂行。」則宏所定為古文尚

災冢青古文。 本韶荷 朗、 却編以隸字寫定, 其後隸處 爲秘書監, 撰定官智的

為秘 害丞, 若 正没家書, **选撰韶定古文官書**。 而汲冢古文十餘萬言,與三字石經中古交對比, **葢亦承詔爲之。時**

說, (書) 僅 不可移易。 定古文官書爲晉衞恒撰,非漢衞宏撰。 網 必不 同 杜林所得漆書古文尚書一卷及祭國三老所獻古文孝經一篇,何能至此。馬氏所輯衛宏韶定古文官 ⑩有云: 且衞宏在東漠初,不應有反音也。 寫 **昭二形,今作聚,才句反。10 案:** ıŀ: 一字而異 此 他日得籍高述林所考觀之,其證必更多也。 「偕、馨、 盎 衞恒所見古文有十六種⑩,十餘萬言,故得同字異形之古文如是之多。 形者必多, 焙三形, 今作酷, 故觀寫 此 書, 此等字蓋皆出於汲冢古文,魏秘書孫炎始作反音,此是證認 況擊處撰定官書, 帝嚳、 以備 同口篤反。」® 小學之一家。 机國、 义云: 题邑, 同時即今衞恒撰詔定古文官書,斯為確證, 玄應衆經音葉所引已有二 古文尚書皆無之,決非衞宏古文尚書 「異,古國名, 與札同。 一百餘條 若衞宏所見, <u>_</u> 叉云:

認定古文官書一卷,復有凝咸汲冢古文釋十卷。 不知衞恒、 没家古文釋, 師事京兆杜預,專春秋、 汲冢古文寫成今隸者十有九種,七十五卷。 續咸已有成書也。 皆十卷,行于世。 鄭氏易,教授常數十人,博覽季言, 」近人謂晉人得汲冢古文,而不知整理文字,勒成字書, 晉警卷九十一儒林傳:「續咸字孝宗,上黨人。 其成績已可觀矣。倘有專門研究文字者,既有衞 高才善文論,……著遠遊志 異物

②見營營卷三十六張羅傳。

汲家許考 汲家香文华考第二

- 案 衛恒父職,晉太保;祖與,魏尚書。見晉書卷三十六衛職傳
- 案:魏三字石經,每字列古文、篆文、隸書,當正其名曰「三體石經」。
- 6 (5) 見晉書本傳。 案:晉書卷五十一來皆傳,汲冢書七十五篇,其雜書十九篇中有論楚事一種。
- 院書經籍志**蜀島中經新簿,其丁部宋爲汲**冢書。
- 9 唐石經尚書二萬七千一百三十四字,除獨古文二十五篇并孔安國序八千四百八十四字得此數。 太平御霓五百八十九引。 案:周志即攻督傳雜書中之周書,左傳督狼聰引周志,今見周書,可證。

又王氏藻既石經經本考,謂

- 見王國維漢代古文考。 魏石經尚書用古文學家馬融、鄭玄、王蔚本。 依古文形而作隸字日「隸古定」,見篇孔炎國尚書序。
- 見日本神田喜一郎汲冢書出土始末考引。

(2) 1

- 案:說文「殿」字下無此說。
- 見晉書卷三十六張華傳。
- 成實論音義所引即移古文。盡詳言之則稱紹定古文官書,各官之則稱古文,其實一書也。 或單稱古文,如「枹、桿二形同體,扶鳩反,謂鼓椎山一條, 大般遵噪經音義、道行般若經音義所引並稱語定古文官書, 據晉書卷五十一束哲傳。其實雜書一種內包括四種,共十九種。
- 大方便報恩經音養、增一阿含經音養並引古文,大莊嚴經音義引古文有「今作酷」三字。

冢書篇目考第二

汲冢書之來歷與文字既明,請更進一步考其篇目。

汲冢書篇目,載於晉書卷五十一束督傳最為詳備。 个根據該傳, (一)紀年十三籍 「記夏以來至周幽王爲犬戎所滅,以へ 晉)事接之。三家分,仍述魏事, 將其篇目詳加考證於下:

啓殺之,太甲殺伊尹;文丁殺季歷;自周受命至穆王百年,非穆王壽百歲也;幽王既亡,有共伯 安釐正之二十年。葢魏國之史書, 大畧與森秋皆多相應。 其中經傳大異,則云夏年多般,益干啓位,

和

者攝行天子專,非二相共和也。 」

III) 此當作十二篇,方與下總數七十五篇相合。 案:紀年十三篇,篇數疑誤。王隱東哲傳紀年十二卷,隋書經籍志紀年十二卷並竹書同異一卷, 若作十三篇, 則總數為七十六篇,又與王際東督傳「大

M 七十五卷」不合,故知三字爲二字之誤。

十年 當奪「晉」字,「安釐王」當作「襄王」, 叉云: **」此葢東督考正** 「記夏以來至周幽王爲犬戎所滅,以(晉)事接之。三家分,仍述魏事,至安釐王之二 重定本,故起於夏。 皆誤。 和驕初寫定本則起於黃帝也。「以事接之」,「事」上 史記卷四周本紀「犬戎殺幽王驪山下」,集解引

紀年云「自武王滅殷,

以至幽王,

凡二百五十七年」,

可知紀年古本繁西周

總年於幽王為犬戎所

汲冢書篇目考第三

波 各自 獨記 般、 , 與 魏 周, 政 束 晳 皆三代王事, 為 傳 謂 一考杜預 畫 周 分時 经约 Ŧ (卒於晉 代 為 無諸國 之變局 犬戎所 市 帝 别 滅, 故可以 太康 也 以晉 唯特記 五 年へ 晉 事接 事 公元 晉國, 之合。 接之也。 二八八 起自殤 葢 四 杜 周 年 預 至 幽王) ® , 叔 春 秋 次文侯、 左 被 其所 氏 殺 經 見紀 集解 E 室 昭 年當為 侯, 後序 東 遷 編 云 年 相 分 次。 不

起

於黃 庭 晉 此 御第 後序 入敗 帝 ; 東 北 非 哲重 引 戏 杜預 -汾隰 撰。 Æ 本紀年, وسا 又考殤叔 六年 在 周 乃起於夏, へ 公 宣王 元年為周宣王 元 三十八年 前 葢 九二 成 四十四年(公元前七八四年 於 九年 公元 您惠帝) 元康末, 前七九 天再 永康 O H 年 • 初 公元二 則記晉事),而後漢書西 九 起於殤权 儿 1 100 100 一羌傳 和騗 以 前 本, 也。 年) 引 3 年 起

卽 六年 太平 幽王 位 伙 年 前 ٣ 公元前 即傷 自後序 八年(公元七七四年)立褒姒之子伯服 年. , 叔 卽 宣主 之謬說, }紀 四 一〇七三年),齊太公望卒」, 年「懿王 年 起 自寫权 ĮЩ 一十六年 始以晉事接之。 」之說與, 公元前 甚或謂· 七 後人逐曲 八二 以為 自 年 則所謂「 此 解 太子⑤ 以後, 止,凡二百五 自 武王 不以周 陽叔 、幽王十 滅 殷以 以 于鄭」, 十七年 至幽王 前 元年前之一年。 紀 年(公元七七二年) 年, 皆記三代王事,無諸 而以晉 4 凡二百五十七年, 0 太公呂望墓 imi 紀 图图 Ŧ 年 元年 九月 表引紀 然觀 國別 以為至 桃李 公元 太平御覽所 年 花⑥ 前

基魏國之史書, 大畧與春秋皆多相應。 」案此書體例與春秋不同。 **春秋為斷代編年** 史,

則

知

自

傷

叔

亦由

誤解自

武王滅般

以以至

幽王

為

至幽王

高明

如

杜

預

恐

不

此

徽宗 宋黄伯 羅巡 式編 魁 年亡於宋世 前宋初陳縣撰中興書目, di 松 (公元前三一三年),齊地暴長 鴉 此 文餘,高一尺五寸 紀年,一 事 To the 自唐 伯思 ·,雖終於今王二十年,然仍以 路 而民 政 叔 年 於 和 | 各憲; 史, 思 次文侯、 益 成 間 東觀餘論云: 八 紀今應 亦見及紀年 於宋孝宗乾道六年へ公元一一七〇 年(公元一一一八年 則 虞以降皆錄之。 故以五帝及夏、 尙 有之。 年 為 昭侯 一雜事 M 割恕通 足 , 「今觀中秘所藏 8 处式 本, 而此記晉國 | 葢亦出 預云紀年皆三代王事,無諸國別, , 商 縮 鑑外紀 皆殘缺。 故知宋代師春 , 4. 長 迎 و 周 於紀年。 周紀年 文餘, 紀 成於 紀年 世 年 故 師春 次自 宋史藝文志「竹書三卷, 紀年止有第四、 E 宋神宗 高 東周 也 書 唐叔 雜 中, 稱周 造 尺。 何 抄 年 則 以 "市" }紀 熙寧末元豐初 始 有雜鈔紀年篇者。惟杜預云紀年 王應麟謂崇文總目 ? 後 9 赧王爲周隱王,他書所 9 通史 羊 , 客 谷秋 雖 皆徵引紀年甚 , 一考伯 之例 惟不知杜預 第六及雜事三卷,下皆標云「有氏敍 因魏 晉 為 干寶搜 國 使然 思 ٨ 别 肾 ○公元一〇七七—一〇七八年 而此 所 式 荀勗、 神 也 記 為秘書郎, 器 左傳 多, 已不著錄9,然宋室 皆有諸國。預云紀年特 記 , SE ··· 故多 史 御覧引紀年 後序所引 出於各書所 和嬌編 絕無,為紀年所 周隱王 記 校 故得觀 以 即即 魯 為束哲 起自 二年 云: 「 魏事 紀 引之外 中秘書, SF. 此三 夏 , , ; 周隱 重 中 獨 然亦 }紀 齊 記晉國 商 卷 纑 秘 有 地 年 本,故 此其 雖無 也。 録」 其卒 暴 E 兼 為 **6**9 二年 考紀 周 長 通 形 其 在 叉 史

人有疑竹書紀年 偽 書者 經詳加分析研究後,可加以解答如下。 紀年原本,發現於晉咸寧五

北

im

致

疑

I

元 七 儿 年 , 亡於 北 未 末 期 公 元 + 世 紀 未 期 , 各家 徵 引 甚 4 , 决 無 H 懷疑

周 紀 紀 年 年 赧 後 E 人 爲 得 朱 三総 , 殘 本 及 줾 審 所 錄 雜 采 他 書 以 補 例 綴 之。 , 然 起自 黄 帝, 及東周 以 後, 03 始 以

同 翻 自夏、 睛 威 秦敬 官修 商 公卒 之國 ž 幽 史, Œ 史記 隱 滅 11 亡, Ŧ. 卷 非 指仍 改用晉 五 編 秦本 年之斷 荀 紀索隱引紀 紀 代 年 和 在 , 史 學春 本, 也 合於編 年),齊宣 觀 秋 其所 以 魯紀 書 年 通 公薨(史記 魏文疾卒 年 之法 史 體 . 不 卷 史記 不盡 知 四十六田敬仲世家索隱引紀年) 此 是魏 卷 偽 24 也 + 國 自東 凹 私 魏 ٨ 世家 所 晳 撰編 考正 车 改 引紀年 通 定 本, 史 O

木 魯 紀 悼 公 部 , , × 某公 迎記 薨 但 卷 書 三十八米世家 公薨 و 而不 言 引 魯某 紀 华 公薨 ,書法 也。 無 曲 異,蓋 此 n 知 明 杜 明平 預 後序 視各 國, 亦 見束哲 上冠周 本 東周 年, 非若 以 後用 春 秋以

二一年 H 以 紀 後 SE 胎 旣 敗 īF. 魏 仍 亚 rif 馬 以 月 陵 周 也 證 ٧ ÁĽ , 非 皆用 杜預 40 而 , 當 夏 自 撰矣。 用 JF. 建寅 家 周 JE. 後序 隱 之月爲歲首 引 史記孫子 又云: [1] 作 吳 上案東 起 曲 「二十八 沃莊 列 傳 晳 伯 索 车 隱 之十一 本改用晉、 王邵 與 齊 田 年十一月,魯隱公之元年 按 魏紀年 戰 }紀 年梁惠成 陵 , 故用夏正 王二十七年 和和 公元 嶠 十二月, 本 曾 前 則

東

t

周

唒 周 本 Æ 以 為 二十 周 紀 八 年 奎 用 周 二月, II: , 是緊 (数) 世 本 以 隱 台 所]索 見 本此 魏 紀年 紀 條 车 用 简 未 夏 改周 JE. 之 IF. 明 為 證 夏 可 IE 見 , E 紀 邵 朌 年 原 所 見本已 于馬 本 亦 有 | 改周 荀 L_0 圆 二十七 E 為 和 嶠 夏 年十二 舊 JE 本 此 與 月在 束 }紀 金

以 後 改用 哥 颜 紀 车 , 被 用 夏 JE. 此 不 可不 也

定

本

之別

起

自

黄

帝

起

自

夏

商

在

西

周

末

SE.

以後

仍

用

周

紀

车

紋

用

周

E

4

西

周

本

「幽王旣亡,有共伯和者攝行天子事, 非二相共和 也 案幽王當作厲王,此 處蓋

其 他與篇目無 嗣 故略之。

二)易經二篇 。「與周易上下經 同。

隱束晳傳,稱古書有易卦,似連山 案: 王隐晉書東督傳題為「周易上下經二卷 歸藏。 考漢代雖有古文易經,未嘗知其由 」,為所稱四部差為整 頓之一個。 而藝文類聚引王

案: 杜預春秋左氏集解後序云: 三)易蘇陰陽卦二篇 「與周易畧同,蘇辭則異。

當時學者盛辭三玄之學,何無人一校其同異,而竟任其

蕩滅?惜哉!

何而來。

此汲冢所出

之易經,

見方合,今既於汲冢中發見,何云尚未播之遠國? 二篇,亦未能同中求異。又云:「別有陰陽說而無黍、象、文言、繫辭,疑于時仲尼造之於魯,尙 未播之於遠國也。 」末二句文理,竟不可通。 「周易及紀年,最為分了。 仲尼造之於魯,尚未播之遠國,則當於漢代孔壁 既已播之遠國,於何證明爲仲尼所造? 周易上下篇與今正同。 」此釋 杜預文章 易經 中發

四)卦下易經一篇 似 說卦 而異

精審,決不出此謬論。

五)公孫段二篇 公孫 段與邵陟論易。

公沙國語三篇 今本國語,亦有楚語、 汲水井考 汲 家醫稿目考第二 一言楚、 晉事。 晉語, 與此三 篇不知異同如何。 當時編校寫定之人, 未嘗明言,

覺其 公元前三〇〇年 不 稱 厥 職 况今本)前 已有, 國語, 余嘗 則 更 一可寶貴 考 其 爲 戰 惜 域 ,逐一音 末 if. À, ٨ 無 所 識 撰 , 不 别 為校 有 考 其異 同, 此 W. 表章 = Till 流 傳 魏 襄王二 之也 年

(七)□名三篇 「似禮記,又似爾雅、論語。

案: 「名」上疑有 奪字。

(八)師春 一篇 一書左傳 裕 卜筮。 ==7 師 春 £---似是 造 書 者 姓 名 也

宋黃伯

思東觀餘

論云:

晉太康

二年(公元二八一年)

),汲郡

民不

準盜發碗

襄王家,

記 日 諸國 師 凡七十五篇 春 世次 师師 及十二公歲星所在,並律呂諡法等,未乃書易象變卦,又非專載左氏傳 春 晉征 二似是 南將軍杜預 鈔 集 人名 公云別有 也。 今觀中 一卷純 秘所 集左氏傳 藏 補 春 ٠, 卜筮事,上下次第及其文義皆與 乃與預 說全 異。 預云全集 卜筮事 ト一筮事 左傳 繇 同 m 悬 此

亦 事 知 系 此 西 晉 疑今師 ,又論分野律呂爲圖,又雜錄諡法卦變」。案際氏所言分野,即黃氏所說十二公歲 非預 人集錄, 所見師春之全也。然預記淡家他書中,有易陰陽說而無象、 春 **葢後** 而未 人雜鈔 必盡出汲冢 }紀 年篇耳。……及觀其記歲星事,有『 也。 」陳振孫書錄解題「汲冢 師春 杜征 闸 卷」,亦云「此書 洞 繫,又有紀年,三代並 曉 陰陽 **」之語,**祭 星所 敍周 是 在。 及諸 知 此 灵 書

所謂 十二公歲星 所 在及 杜征 南 洞晓陰陽 し之語 皆無之, 則當時 亦有二本不同

(九)八八八十一篇 「諸國上夢妖怪相害也

案玉海

四

十七七

引中與

書目

汲冢師

春

一卷,

雜

統統部國

世

系及律呂

諡

法

,

末載

手變

雜

事

<u>ر</u>

則

所

隋書經籍志古文環 語四 卷 注 : 没家 香 **葢合十一篇爲四** 卷 耳。 一尋劉 知幾史通云

晉書東哲傳云:「汲冢古書有春秋,似左傳」國,葢即指此雜語 載平公疾夢朱熊窺屏,斯與所謂諸國卜夢妖怪相書合。而其篇目有夏、殷春秋、 汲冢璅語, 亦載斯事, 孟子日晉謂 案汲冢竹書晉春秋及紅年之載事也,如重耳出奔,惠公見獲,書其本國,皆無所隱」(惑經篇); 而云夢黃熊入門,必欲捨傳聞而取所見, 記太丁時事,為夏、殷春秋 春秋為乘,尋汲冢瓅語, 即乘之流邪? 」(六家篇);「汲冢璣語云舜放堯於平陽」(疑古篇 則左傳非而晉史實矣」(雜說篇 其晉春秋篇云『平公疾,夢朱熊窺屏』,左氏 言也。 其書唐代尚存,朱史藝文志已 晉春秋等,故王隱)。案:

十一)繳費二 論七射 法。

(十)梁丘藏

先敍魏之世數,

次言丘藏金玉事。

不載此書,葢亦亡於朱也。

馬國翰有輯本,僅十五條。

殷可均全晉文輯二十五事,

凡十九條,又附

(十二) 性封 帝王所 封。

(十三)大曆 鄒子談天類 也。

(十四)穆天子傳 五篇 言問穆王游 行 24 海, 見 帝臺 西王 母。

之文……大凡七十五卷,營書看其目錄……有周易上下經二卷,紀年十二卷;璞語十一卷,周王遊行 案:玉海卷四十七引王隱晉書束皙傳 云 「太康 元年(公元二八〇年), 汲郡得竹書漆字科

汲冢書篇目考第三

大曆, 海所 武 卷 (書) 其 卷 大 惟 郡 概 年 傳 周 , , 唐 文泥 引 齊 與 修 體 時 , 在 讀 不 晉 111 晉 古 皆 Ŀ E 書卷 谐 文 無 皆無 書 眼 周 時 m 遊 志 紃 易 稱 FIF 為 也 傳 云 作 記 釋 五]晉 -, 紀年 記」字 者 書 O 十一束哲傳 紀 其他 7 晉書有其 後 專, 穆天子傳 說等 或 以王隠 晉 人 今謂之穆 各書 逐謂 瓅 陽 名 觀災 , 語 秋 王隱 日錄 , 则 本謂之周 = 乃 爲 天子傳。 有 不 何 家 ·且 部 最 皆從零 原文已 書 汲 稱 早 獨 同 於周王 家書全 及 十餘 其 }晉 , His 有 王遊行記 何 書 114 如 矣。 說 九 種 法 船 十三卷 穆王遊 部 然則 是。 遊 , 差 近人 皆無 若 行 目 為 紀年 錄, 不 此 下 整 八穆天子 知上隱 可證 注 ; 行 加 注 頓 文益 文, 其 次為 天下之事 他 若公孫段 尋 記 為孔 虞預 之時 傳 余 故 未 杜 謂 下 西 聞 字邪? 今謂 預 文云 , 征 也 穎 此「記」字葢亦晁氏 春 講 達 四 尙 , 秋左氏 據此 + 無 -之穆天子傳 疏 所 岩師春 ・四卷; 至唐 謂 此 }晉 加 四 則 , 書。 所指 **31** 遊行 修 部 E 又次 隋書 傳 窓 晉書束督傳 差 若梁丘藏 東哲 晉書 一等注 集 為 解後序, 自加 下脫 整 為 經 頓 傳 朱 籍 文, 唐 僅 也 凮 志 , 左傳 稱 修 所 記 , 亦 晉書 皆作 , 周 + 列 則 引 字, 改 }生 正義 朋 Ŧ 四 紀 此 傳體 卷。 大字 封 其 遊 也 傳 晁 聊 行 穆天 舉 Ŧi. {晉 TUT

}傳 東 哲以 遊 張湛 [行 余 考 考 葢此 }紀 注列子亦稱穆天子傳, TE 华 汉 有 豕 書 書 和 所 戦 嶠 為 己任, 實 束皙 記 则 穆王 改 本。 正名辭,亦一 [ii] 遊 行 穆天 事 子 , in 若名 傳 王隱晉審 亦 要事。束皙之時 穆天子 有 荀 歸 東督傳不稱 (傳 束皙 , 則 必將 穆天子傳 {穆 本 天子傳已盛行 穆王 : 荀 生 勗 平大事 今名穆天子 in 稱周 王遊行 全行 荀 本, 傅 記 郭璞注 入,方副 束晳 明此名為東 本名周 1穆天子 其名

子傳

而

反

以

周

Ŧ

遊

行

為注

矣

於宣徽 名一, 東督傳 在伊闕 謂 鼓鐘之山 博旗 所 然中山經 沙 in 四 2 也 , 不引穆天 穆 此 此 Ŧ 帝墓 IF. 經 遊 n 云:「休與之山,其上有石焉,名曰『帝臺之棋』。」郭璞注云:「帝臺 」據此則郭璞所注穆天子傳寫荀勗本, 謂 Z 行 . bij 子傳 之所 穆王見帝臺 : DU 海, 束 穆玉見 以觸 帝臺之石, 《督改訂 見帝臺、 百神 ni 穆 (天子傳, 西王 鏧 也 專 所以麟百神者也 西王母, 以為 母: 郭璞 也 佐 不特 沈約 注云: 今本穆天子傳不 形 也。 改其 米書「 文選頭 。」郭璞注云: 名稱, 舉觸燕會則 無言帝臺事,故其注山海經僅云「帝臺,神人 顏延之字延年 延之顏白 卽 載見帝臺 ij 事 於此 瞪 馬 廳 775 ,好讀書, Ш 事 赋 福 , 有 Z. 白神, 土 郭璞 大 沙沙 名為鐘鼓也。 就王母於蝇婦 注 則 無 111 唐 用 , 所不覽, 海 修 此 神人名 *** }晉 石 4 馨 **今案其** 引 , 卷 要帝臺 經云 穆天子 ラ棋り 後為秘 五 +

穆天子傳, 序云「其書言問 見此 篇也 書 也 (1) 束皙旣 束晳特復其舊名, * 此 穩 改穆天 王遊行之事 證 也 公子傳 荷勗 **义去盛姬死**專 為 本穆天子傳六卷, 」,疑汲冢竹音原名為周王遊行, 月間 王遊行, , 復 去盛姫 以副遊行之實耳, 其第 六卷即 死 專 篇 東哲傳 入雜灣 此三 島以盛姫 雜書十九篇 中, 證 也 处 故 事 寫 加 Fi. 4 Ã 卷。 周 JI, 穆 内 荀 E 一美人盛 副 是天子傳 故改名為

書監

,

則劉宋時

秘書監

或尚

有束皙本周王遊行

五卷,或其時民間尚有其本。延之既無書不覧,故得

姬

(十五)圖詩 篇 畫質 之屬 也

或謂

此

卽

周

穆王

遊行及見西王母書

王懿榮漢石存目有穆王見西王母畫像,

經

汲冢善考

家書篇且考第三

有 周 穆王八駿圖, 蒸皆此 類也。 余謂 此亦臆說, 若果與穆天子傳有關,則束哲傳圖詩下

一僅云畫贊之處,其與穆天子傳無關明矣。

六)雜書十九篇 周食 細 法 }周 7 論楚 事 周 穆 王美人盛姬 事。

豕, 一書, 余案晉書 得策書十餘萬言, 且 卷三十 僅 書十九篇,昔人 卷。 六衛 是十九篇中實包括書四種: 瓘 古 傳 書 子恒 往 亦有數種,其一 往 為四 分為三種, 體 書勢 卷論楚事者,最為工妙,恒顆悅之。 云 日間 日周食田法, : 太康 食 田 法法 元年(公元二八〇 , 日 日周書, (周 書論楚事 日論楚事, , 年 日 ر د 周 穆 日周 汲縣 E 美 則論 穆王美人 人 ٨ 八盗發魏 盛 楚事 姬 死 盛 别 襄王 事 姬

志皆載 卷 \pm TI) 美人 審 無 經 周 穆天子 之目 籍 具有篇名, 疑 書 荀 十卷、 艋 汲冢 志 弱 姬 無 米 撰 H 傳第 (中經 死 王應 (周 }周 錄 書 書 類 事 周食田法七卷也。 無所謂 六卷。 有晉中 磁 --新 簿 卷, 卷 然 A 學 則 入 經 列汲 雜書 必本於晉中 束皙 繫於汲冢誤矣。 紀 周 書。 開 十四四 家書於 中, 考 云 -: 卷, Œ 一實皆 汲冢 此等 於是雜書中 周書, 荀勗 额 1 楽書 書 未嘗 部 清四 撰。 非無 之末 , 隋 深 旣 考也。 所據 在史學家 視之, 均大有價值。 EL 唐書經籍、 6, 葢將寫成今隸之書全行列 重 庫全書總日周書 有 編 唐志繁之汲冢, 論楚事 }紀 而云然。 (年 荀勗 , 藝文二志同,則唐代此書的存 編穆天子傳為六卷,采穆王美 又改穆天子傳六卷為周 一卷、 則當時汲冢 篇亦云 m 穆王美人盛 東哲 (傳 所 得寫 及左 入也,故總稱 晉書束晳傳 姬 束皙文學之士,而又篤古 死事 傳 成 小个 (王 }IE 遊行 義 隸者 卷, 引 載竹 王隱 日 五 , ٨ 自有周 隋志 卷 汲 盛 倘 書七 一家書 , 姬 晉 有十七卷 抽出 死 書 十五 所 書 唐 載

X H 规 11 174 榧 桃 蠡 入 然 書 , 1 加 老 1 此 害 43 識 之甚 , 不 及 前 厨 和 雌 遠

與卷 IIX 17 有别, 门周 書七 店修香書 ---结 而没家 京哲傳 稱汲家書七十五篇, 雜 書作 有 7 九篇, 則 汲冢 及其他各書各稱 雖 有 }周 書, 若干篇, 其 非七十一篇之周 其「篇」字皆當 明 矣。

不

王總 今隸 於納, 晉 書 東 自當稱 哲 傳、 杜預 卷 ; 左傳 若指 原簡, 後序 雖可 皆稱 稱篇, 汲冢書七十五卷, 然必篇多而 其分列 卷少。 各書, 即如 雜書, 亦皆稱卷, 決不止 其 + 九篇, 明 為「卷」 證也

,

其每篇僅有數十字

者甚

名

至

修晉 少當有八十篇(周書已多出六十一篇)。及寫成令隸, 書不 此 H 方 明篇變為 H 強用古義,名不副實,遂鑄成此 成 卷 卷 (6) 之例 此 , 周 改卷為篇, 書七十一篇所 致使 以 大錯 後人 僅有 疑雜酱 -1-也 卷, 而雜書 則周書籍短 十九篇不能包括周書七十一 7 九 卷自可包括周書 篇, 七十 途謂汲冢無 一篇也。

國航秦 7 日 田 華之 周書 為陳軫 七十一 結り 說秦惠王 明 載 於漢書藝文志 一章,狼瞫引大匡「 舒息 勇則 分武 害 稱 Ļ 美 不 女 登於 破 舌 明 堂 , -, 美 男 見左傳文公 破 老 , 見 年

引 傳う競絳 引制 審 主父 奈 引 Į. 程典 假 戰 何 ٠..ا 以 1 為 時 蘇秦 確 亦有 居安思危 以說魏; 此 書。 記 」,見左傅襄公十一年傳。 人之功, 天子不取, 反受其咎」, 蕭何以 必容而 忘人 伍之一, 之過 」,見於陳湯 蒙恬 以告秦,他若墨子、 皆在 孔子前, 傳 爲格言;「安危在 う「左道事 則春秋時已有此 君者誅 韓非子、 , 出令, 見於 呂氏春秋 存亡 王商 一縣縣 在 0 亦 所 不

說苑善 記篇 亦引 此 響 而司馬 遷 史記 紀武王克商事, 亦本此

汲 家書考

汲

銀書篇目考第三

犯論

-{部

劉

向

准 時 許慎 32 文 第 荊 部 士 分 民 之际 , 第 六 木 部 --竹箭 如 標 , 第 + 心 部 來就 基 基

祭邕 出 是 於汲 明 ; 蚼 有 堂 匠 冢 月 秦 阳 矣 論 火 漢 以 此 部 日 後 亦 }周 咏 所 只 書 已見者 七十 知 ¥ 其 m 不 , 篇, 熮 不 如 , 周易、 m 知其二。 月令第五 皆引 }周 }周 汲冢 潜是 書 + 三與 各 馬融 書, }閒 易 今本篇第 注 有秦 }論 既 11] 語 重 引 出於 省合。 漢以 }周 曹 月令 汲冢, 後所 此皆 未見者 在東漢 鄭 何 獨 玄 周 , 1 時 書 如 }周 不 紀 禮 然 मि 年 引 重 }周 穆天子使 11 此 (書 於汲冢 書之不 王

野 其所 也 亦以 注 注 晉 本, }周 之時 書 周 書 必亦 , 為據國。 个 原 凌 為 漢以 以 本 已亡, 來 郭璞 來 所 所 傳 注爾雅 周易 不 傳 易 舊本, 知 其 問書皆存。 所 , 然汲冢本卷 稱 不 逸周 病 制 書平, 書不 Ŧ. 應 亦 為逸問 稱汲冢周書 見之。 鄜 因 四學紀間 作損 書平 故其解 (3) 20 云:「杜 0 ? 克般 然 此皆 晁 則 篇 為 씀 時 五經 元 人所見漢以 500 百夫荷素質之旗于王前 書, 博士,其 左傳時 葢有二本: 來周 篤占之情必深 災家 書 之傷 書 本 未

來 所 作以 籍 体 (志 今 前 隸 僅 本, 于王 載 扩 晁 爲 」,解大武篇 注 周 汲 書 冢 八 所 卷, 出 古 7 不栽 文本 三擯厥親 ,當無 汲冢周書十 一云「 疑義。隋書經 · 卷, 接一 杰 皆互 籍 志 有遺 僅 诚 汲冢周 漏。 晉 惟唐書藝文志 書 }問 7 卷 不不 載 旣 藏 孔 汉 晁 {家 Æ 周 本

七十 文 志 叉 }周 裁 章 書 孔 注 姚 1 注 云 自 }周 文、 今存 書 八 武 老 卷 24 , 葢汲冢 F + 五篇 終 Tion Zon 小七卷為 , 景 卷 無社 2 捐 K 孔 躯 本,孔晁 注 有 闕 本 言 盗 拉 注 所 本 (2) o 唐 見 為汲 詩 劉 知 已有闕篇, 歌十 幾 史通 卷 六家篇 本。 故 是唐 並 載 云文 焉 時 倘 有 一本 顏 }周 飾 書 ife 漢

也

汲冢

个無

往

m

有

十卷,

礼规

本有

注卷數反

1/2

Mi

住

15

八巻っ

知八

卷本即師古所見之孔注四

Fi

,

J1.

篇也 或有或無, 師 古以 已不 無注考十七篇,及序一篇, 後, 可知。今四部叢刊景印明嘉靖編朱嘉定丁辯 北注文亡三篇 自宋以來,葢以汲冢本補 合成今本六 十篇, 仍題日汲冢周 本即 礼晁 注大, 如 此 書。 由此言之, 而去其重複, 其所亡十一篇汲冢 今本周 故孔 書 注 僅 孔 有四 晁注 原

書以傳, 篇 此為不可掩之事實也 其為漢 以來所 傳 舊 本, 抑為汲冢本, 尚待深考。 其無注之十七篇及序一 篇, 幸賴汲 家周

又據太康十年(公元二八九年)汲合盧无忌齊太公呂望碑" 有盗 一發家, 而得竹策之書。 其周志日『文王夢天帝服 玄釀以立于令狐之津,帝 「太康二年(公元二八一年),縣 一昌,

賜汝望。 周志即周 盧氏依古稱周書為周志, 且所引為文王夢天帝賜太公望事, 今不見於周書, 八書, **」文王再拜** 左傳文公二年傳文「狼曍日: 周志有之,『勇則害上,不登於明堂』」,今在周書大匡 稽首二云云。其紀年日一康王六年(公元前一〇七三年), 齊太公望卒一。 寫 以 下八篇

亡書之中,此八篇前後皆記文王專, 十七)「大凡七十五篇, 云:「大凡七十五卷,其六十八卷皆有名題,其七卷折簡碎雜,不 七篇簡書折壞,不識名題。 則此篇亦當記文王 1 據此,則汲冢之有潤書,又得一確證 可名 題

左傳後汗, 案: 王隱晉書東督傳 正義 引 \ ° **紫唐修晉書改卷** 爲篇。 非是, 說已見上。

皆科斗, 又案: 發派者 隋書經籍志古史篇云:「晉太康元年 不以為意,往往散亂。 帝(指司馬炎)命中書監荷島、 (公元二八〇年), 淡郡簽魏襄蓝家,得 令和嬌撰次為十五部八十 古醬竹簡

扱

汲冢書篇目考第三

者異。 七卷。 **穆天子傳,璞語則幷十一卷為四卷。** 如京 案京哲傳 督傳雜計十九卷,荷島 所 列,為十六部七十五卷, 則分川周魯十卷, 但其幷為十五部,不知如何分配, 院志本於荀勗中經新舞, 獨立一 部, 周穆王美人盛姬死事一卷, 其分部 葢亦有雜書一 分卷 , 類, 省 風東 以納入 則弁 哲重

人

1 史記卷四十四魏世家集解引葡萄日:一 和幡云紀年起自英帝。 種

也。

其分為八十七卷,不知是隋志數目之誤,

抑為中經新衛本文如是,

則不可考矣。

2 見膏書卷三武帝紀。

4

例如史記卷五案始皇本紀末云一右秦巍公至二世六百一十歲二十

自指二世三年(公元前二〇七年)被弑之年,不愿而解為

二世即位之前一年,即始皇之三十七年(公元二一〇年)也。

3 余別有考。

6 ⑤. 太平御覽卷一四七引紀年。 同上卷九六八引紀年。

7 同上卷八八〇引紀年。

8 據此御覽奪「五寸」二字。

見玉海卷四七。

9

(i) 見司馬光序。

之趨戰。 新唐書劉知幾傳: 子說……以竹香紀年敘諸侯列會,皆舉證, 後人追修,非當時正史。

一其就甚是,可歌雜國史官所紀

三四

藝文類聚卷十又卷四十引王陽晉書東智傳。

16 文選李善注不引發天子傳以為證,可見束督本唐時已亡。

見隋書經籍志引中經新簿。 古書篇變爲卷之例:篇短則合數篇爲一卷,篇長則分一篇爲數卷,篇卷相等則一篇爲一卷。

还海卷四十六周書:「『勇則皆上,不登于明堂』,此周志也。 **墨子七惠篇,翰非子說林外儲滯,呂氏春秋愼大適威篇。** 左氏載於文公二年,杜氏以為周書。 『國子賦轉之柔矣』,

此逸詩也,左傳報於蹇公二十六年,杜氏以爲見於爲書。『干里百縣,縣有四郡』,作維籌之言,杜氏以爲上大夫受縣之 注。」案:此即所謂杜氏解左傳以周書為據也。

今本周書以孔晃注四十二篇補以級家周書無注本十七篇,序一篇,而仍名汲冢周書,非孔晃之舊稱。而無注之十七篇,各 逸周書之稱始於東漢許慎說文。漢書藝文志但稱周書,無「逸」字也。 篇皆稱為某某解,則又用孔晃注之數式,雜輕而無條理甚矣。

(21)

顏師古蓋未見汲家十卷本。

恐級語等

汲蒙許精甘等第三

汲冢書校理年 月考第四

島、 理之年月,當自太康二年(公元二八一年)春始矣。 年(公元二八〇年)春矣。時大舉伐吳,軍事孔亟,未遑文事。三月吳平,論功行賞,庶事 此書蓋在咸寧五年(公元二七九年)十月,當時地方官吏表聞於朝。及收藏祕府則已在明年太康元 在被命之列)。案:神田之說,頗合實情。 年,官收其書,藏於祕府;更翌年爲太康二年,始命東督、荀勗、杜預、 故至太康二年(公元二八一年)春,始命荀勗等以隸字寫之。此事理之可推想而得者。 云太康二年始命荀勗、 一七九年)十月,藏於祕書監在太康元年(公元二八〇年)正月,命官校理在太康二年(公元二八 和觸以隸字寫之,屬等於時即已不能盡識。」(春秋左氏經傳集解後序,正義引)準此,汲郡初得 關於汲冢書之出土年月,共有三說,已見來歷考。據余所考,汲冢壽之出土在咸寧五年(公元 日本神田喜一郎汲冢書出土始未考,亦謂汲冢書之出土實爲咸寧五年十月,翌年太康元 和轎以隸字寫之。時杜預出鎮襄陽,衞恒、束皙後入秘書省,太康二年均不 王際晉書束皆傳云:「汲郡初得此書,表藏秘府, 衛恒等校讀之(希祖 然則編 更張 **燃案:當** 詔一荀

穆天子傳寫定年月

發家當等

級歐書校理年月考第四

三八

今本穆天子傳序 首有「侍中中書監光 祿 大夫濟北侯臣 荀 勗 撰 一行, 已經 後 人改易 惟嬰氏鐵

其文云 中中書監 光 祿 大夫濟 北 侯臣

副

劍

機書目

有

詹鈔

本穆天子傳,

馮己蒼得之,

以錫山秦氏鈔本校過,改正譌字,

補錄序首結衡五

秘書主書合史譴 頟 中書會 議 郞 蔡 勳 伯 給 臣嶠 言

郎中 秘書 校 傳瓚校古文穆天子傳已訖謹並第錄 書 rfi 郞 張 宙

祖案:第一行結衝 加 侍 中, 命, 領 著 綸 作 功封子一人為亭侯,又封 **外之**, 颇有 年月可轉。 進位光祿 大 夫。 晉書卷三十九荷島 孫顯為潁陽亭侯。 俄 領 秘 書監 與 傳 中書令 云: 一 乃得汲郡冢中古文竹書, 武帝受禪, 張 華 依 劉向 封濟 别 錄 整理 北 侯, 詔勗 記 籍

撰

吳滅,

以專

典

詔

松

次之, 故。 以為 時 中經 太尉 賈 充、 列在秘書。太康中,韶以勗 可 徒李 胤 並 薨, 太子太傅又缺,島表陳三公保傅宜得其人。」又晉書卷三武帝 為 左光祿大夫儀同三司開府,辟召守中書監 , 侍中、

侯 加 太康 三年(公元二八二 丰 夏四 月庚午, 太尉魯公賈充薨。 閏月景子,司徒廣陸侯李胤薨。」

此 則 圆 為左光祿大夫必在太康三年(公元二八二年)春夏之交,而為穆天子傳序之結衡尚稱光祿

大夫,則此審必成於太康三年(公元二八二年)四月以前也。 距太康二年(公元二八一年)詔荀勗、

又案:第二行「領中書會議郎裝伯臣嶠言部」,其中有誤脫倒置之字。晉書卷四十五和嶠傳云: 以隸字寫之,不過一年。

又云自今王二十一年至太康二年(公元二八一年)初得此當凡五百七十九年,此序荀勗 中亦稱「臣爲」,則太康二年必非後人誤響。故斷定此背成於太康三年(公元二八二年)春,而嶠之 年)三月吳平以前未轉侍中也。然穆傳序明言太是二年(公元二八一年)汲縣民不准盜發古塚云云, 中書令,亦此例也。若依舊鈔本穆天子傳序首結衡無一侍中二二字,則當在太康元年へ公元二八〇 衛當云「侍中領中齊合議郎上蔡伯臣論」也。賈謐為談書監轉侍中,領祕書監如故,購之以侍中領 中書令」之誤,「蔡伯」上脫一「上」字,即上蔡伯也。「言部」二字,或為衍文,或爲「侍中 **岛為人,以意氣加之。吳平,以參謀議功轉侍中。太康末為尚書。」據此,則「領中書會」當係「領** 二字之誤,而又誤倒於下,宜移於「領中書命」之上、蓋當太康三年(公元二八二年)春,嶠之結 父道,魏吏部尚書。嬌少有盛名,襲父爵上葵伯,起家太子舍人,累憑中書令。時荀易為監,嬌鄙 自撰 う故序

文也,不悟其時勗已轉尚皆合左光祿大夫,賦亦於斯時轉尚書,與序首結衡不相合也。 太康十年(公元二八九年)十一月景辰,守尚書合左光祿大夫荀勗卒。 H 小川琢治穆天子傳考謂序文作於太康十年(公元二八九年),毫無根據。晉書卷 一小川蓋以勗卒 三武帝

衛之首必有「侍中」二字也

汲冢当校理年月考第四

紀 年寫定年月

十年(公元二八九年)汲令盧无忌立齊太公呂望碑, 中經 年,汲冢古文, 倘 起自黃帝 書介② 晉 . ; 在 書 和儲為中書令, 終於魏之今王。 秘 荀 書り 島傳 必已次第寫 以較經 云 : 傳闕文,多所證明。」① 太康二年(公元二八一 至太康 一考荀勗為 lik 隸 書, 末 列 始轉 中書監 入中 經 尚 書③。 , ,棄掌祕書, 别 史記 年 其文已引紀年及周志可證。 在 ڼ 一秘書, 卷四十四魏世家集解:「荀勗 自太康二年(公元二八一年)至 叉得 至太康八年(公元二八七年 汲冢 故得較經傳闕文, 中古文竹書, 惟紀年 多所證 勗 自撰次 此 目 明 一書,殆為 **葢**已 注寫 和碼 觀 始轉 太康 閱 云 以

所 成 故荀勗引其語, 以為起自黃帝云

夏代。 考紀年 一書, 其他不同之處尚多, 有 初寫之本, 有重 隋書經籍志 定之本。 紀年 初寫

ジ本

成

於和

橋

起自黃帝;重定之本

成

於

東晳

也。

自

四 耙 魏世家 近 理 集解 荷島日 和嬌云紀年起自黃帝。 十二卷」下所以有份書同 」不知集解引自何書, 或謂卽出於竹 異 卷 書同 史記 ,異 卷四 +

專多證異義。 年月。 晉書卷五 穆天子傳序 上案: 王接傳 恒為循瓘子,晉書將衞恒 首五行結衡 中無其名 則 事蹟 太康三年 ÉP 附 於確傳 (公元二八二年) 春恒尚 其為祕書 丞不 知 在 未 何 爲 時 祁 畜 本傳亦不 水 也

云:「時祕書丞衞恒考正汲冢書,

未訖

而遭難。

佐著作郎束皙述

而

成

書合派 以秘 卷 三十 書弁 典 尙 74 職 中部省, # 奏事 官 志 其秘書著作之局不 文帝 秘 公元二九一年 黄初 書 監 初 , 漢 改為 植 帝 廢。」故太康之初 中書, 延)二月戊寅,復置 熹 三年(公元一六〇 置監介,典 心秘書監 一份書 , 秘書官 年 奏事, 官。) 置, 東以中書監 一初學記 ıfii 認書改 後省。 令為監 卷十 **介為** 魏武為魏王, 長 一引其 官 。及晉 也 詔 晉書 武 云:

卷四

惠帝

紀

水平

范

年(

圆 元年(公元二九 秘書監 等於 公時已不 粽 **FIP** 能 經 年 籍, 盐 識 , 攷校古今,課試署吏,)復置祕書監之時,時荀勗已卒, 故各書雖 , 有 寫定, 不免有 領有四百人,宜專其事。」據此,恒為 設讀 誤 解者 和臨已轉 加 , 且 考正汲冢書也。 簡 倘 册錯 書。 王屬晉書 亂 不免有誤編 惜恒任秘書省不 束暫傳 秘書丞,葢在 酮 1 汲郡 恒 永平 次 世 古文 智

古文 紀 考正之事未 及卷三十六衛 (見恒 訖, 所 選 四體 瑶傳 永平元年へ 吉勢 ٦ 初, 公元二九一年)六月,即與父太保難同為楚王 來哲與衞恆厚善, 故當 一時新秘書監擊度復延恒重 門恒逃 洞, 自本郡赴爽(見晉費卷五十一東督傳),後 章所害(見晉書 卷四 惠帝

[哲 卽 繼 晉書卷五 其 業 十一東哲傳:「張華為司空(惠帝紀『元康六年, 述 Til 成之。 中書監張華為司空』),復以為

贼

to 轉 1/2 著作 公元二九六一 郎 逻 轉 博 士, 一二九 著作 -1 加 车 赦。 之間 一是哲為著作 也 首傳 又 云 阗 得 遷尚 觀 脉 書鄉 書, が趙王倫 繼衛恒考正汲家書必始於元康六 爲相 國 惠帝 永康元年

公元三〇〇年), 加 著作郎 始計 為記 於魏明帝太和中,極中書省。 室 , 哲辭疾 罷 語

及晉武帝,

以繆徵為中書著作

腴

元康二

設家書考

泌家書校理年月考第

ė.

74

東哲 由於哲 為記 晉書賈證 書 著作郎 対法引) 室 省(侍中賈鑑 公元 晉書卷 一九二年 紀年 **基**歸 督乃解 傳 ,撰晉書帝紀 助功於哲 二九 此其 詸 元康 一書其致 疾能 ,偷自為相國 六 T 1 木 翌 也 記 也 E 起為秘 職官志 力 也。 十志(來質傳 : 二九七 永康 最 深, 然則督為佐著作郎,考正汲冢古文, 著 (惠帝紀)。束哲遷 元年(公元二九一年 書監,飨掌 作 <u>ر</u> و. 佐屬 年 且有重定本。 元康六年(公元二九六年 ,而訖於永康 4), 遷轉博士, 元康 書 國史」(北堂書鈔 , m 王隱晉書及唐修晉書將汲冢書七十五篇經篇月皆 秘 書 尚書郎,葢在諡誅之後,故趙王倫爲相國,)夏四月癸巳,梁王肜、 旣 元年(公元三〇〇年)。 典 文籍,今改中將著作 引), 九年(公元二九九年),遷著作郎。),張 束晳傳「 勒成十六種七十五篇, 華為司空時, 賈謐請為著作郎 爲 趙王倫矯詔廢賈后為 汲冢書之考正完 秘 N. 束質 著作 為 必始 Biz 」(文選補 於 成成,全 於元 復請 是 王隱 著於 旋 改 晳

竹書同異 常侍 物多聞, 異 郎播 義 戚 稻 卷 蓋紀年 以為 卷也。 五 謂 + 接 允 E 王接傳 有和 當 : 叉云 緬初 卿 案此 才 一時原來太守陳留 學 定 理識 秘書 本 乃考正竹書古文之餘 有 水 足解 東哲 衞恒 重定 考 二子之紛 王庭堅難之, TE 本, 汲冢書, 所謂 波, , 可試 羅列 未 亦有證據。 事多證異義」也。 論 訖 異同, 之。 nn 遭 難 評 接逐詳 論得 佐著 恆又釋難, 失, 作郎 其 故後人 得 亦以 東督 失 而庭堅已亡。 見當時 黎獎 合二本校之, 述 mi tike 以今 謝衡 之, 事 皆博 有

古文之不苟也

綜 上列事實觀之, 汲冢書之編校寫定, 整經始於太康二年(公元二八一年), 乾於永康元年(公

元三〇〇年),前後約二十年,分爲三期:

第一期 自武帝太康二年(公元二八一年)至太康八、九年(公元二八七、八年)為荀勗、 和

嶠分編時期,穆天子傳、 紀年(初定本) 皆於此期寫定。

自惠帝永平元年(公元二九一年)二月至六月為衞恒考正時期,後以被楚王瑋所害中

भैं

第二期

第三期 期, 自惠帝元康六年(公元二九六年)至永康元年(公元三〇〇年)為東督考正寫定時

紀年重行改編,於是十六種七十五篇全部告成。

此汲冢書校理之大概經過情形。中間或有間斷,或他人參加編校,則史無明文,不可考矣

太平御覽卷七四九,交選王文窓集序注引王嚴督書前幼傳。

1

(3) 見晉書卷四十五和輪傳。 見夢斯同晉將相大臣年表。

書校理人物考第五

能基 秘書監、合,或躬與編校考定,或職司延攬監督,皆與此事有關。葢當時任編校寫定之役者,皆盡 年(公元二九一年)復置秘書監,以前之中書監、 太康二年(公元二八一年), 乾於惠帝永康元年(公元三〇〇年), 一時人物之選也。 識。」① 晉 時勗為中書監,嬌為中書合,兼領秘書著作。 書 東哲傳 輒復考之如左 云:「汲郡初得此書,表藏祕府,韶荀勗、 令及秘書令史、郎中等,與**失復置秘書監** 校理汲冢書之時間,前考已考定始於武帝 和嶠以隸字寫之,勗等於時卽已不 前後約二十年。 而惠帝 以後之 永平元

荀勗

司馬昭 脩律呂, 固辭為侯,拜中書監,加侍中,頌著作,與賈充共定律令。……久之,進位光祿大夫, 早亡,勗依于舅氏。岐嶷夙 晉書卷三十九荀勗傳:「荀勗字公曾, 即晉王位,以勗爲侍中,封安陽子,邑千戶。武帝受禪,改封濟北郡公,勗以羊祜誕,乃 並行於世。 ……俄領秘書監, 成,年十餘歲能屬文。……旣長,遂博學,達於從政。 與中書令張華依劉向別錄整理 潁川潁陰人, 漢司空爽 曾孫也。 記籍。(吳滅) 祖类,射聲校尉。 仕魏子……帝(指 既掌樂事,又 以專典詔

四五

沙家書老

汲家書校理人物考第五

中詔曰: 『……今以勗為左光祿大夫,儀同三司開府,辟召守中書監,侍中、侯如故へ案在太康三 即公元二八二年春)。』……久之,以勗守尚書令。……太康十年(公元二八九年)卒。」 功,封子一人為亭侯。……及得汲郡 冢中古文竹書, 韶島撰次之,以為 中經 列

尺也。 始 鐘②,擊亦與新律閣合。 知 此荀勗對於律呂方面之貢獻,應加補 後漢至魏,度漸長於古尺四分餘,而變依為律呂。故致不韵。部佐著作劉恭依周禮制尺, 依古尺作新律呂,以調聲韵,以律量黍,以尺度古器,皆與本銘尺寸無差。又故冢得古玉律 案:王隱晉書荀勗傳云:「勗以魏杜夔所製律呂檢校,定太樂總章鼓吹八音,與律呂乖錯 逐班下太常,使太樂總章鼓吹清商施用, **島途典知樂事。」**(太平御覽十六 充者一也。 所謂古

及所 冢 六國年表 一八一年)初得此書,凡五百七十九年。其書言周穆王遊行之事。春秋左氏傳日『 所得書也,皆竹簡素絲綢。以臣勗前所考定古尺度其簡,長二尺四寸,以墨書,一簡四十字。 新寫, 於天下 時 ,自今(原作合)王二十一年至秦始皇三十四年燔書之歲,八十六年,及至太康二年(公元 委組 荀勗穆天子傳序云:「古文穆天子傳者,太康二年(公元二八一年)汲縣民不准監 並付祕書繕寫,藏之中經 ,將皆使有 地 也 · 案所得紀年,葢魏惠成王子今(原作令)王之家也,於世本葢襄王也。 案史記 車轍馬迹焉 9 副 此書所載 在三閣 則其事也。 」此荀勗對於整理古文穆天子傳之貢獻,應加 謹以二尺黃紙寫上, 請事 穆王欲肆其心, 4 以本 簡書

甲部,紀六藝及 皇覽簿雜 書監 荀勗又因 事 ; 四 巨丁 中經 小學等書,二曰乙部,有古諸子家近世子家兵書兵家術數;三曰 經 更著 部 志 云 有詩 新簿へ案『秘書監 : 一魏氏 赋 圖讚汲冢書。 代 漢, 采 荀勗 授 大凡四部合二萬九千九百四十五 遺 Ť, 1 上應 藏 Æ 有『晉』字 祕 審 中 外 三開 <u>,</u> 分 為 魏 四部 秘 卷 書 内 郎 但錄 部 總括 鄭 默 題及言 有史記 苓 始 書 制 中 舊 專 E

標囊,書用細

素。

山此荷

勗在搜

集圖書及目錄學方面

之貢獻,

應加

補

充者三也

此 汲合 慮无忌 立齊太公呂望碑已引紀年之文及雜書十九篇 勤 入汲冢書於中經新簿丁部之末, 以為中經, 則當時六十八篇或全已寫成,列入中經也。 又案:王隱晉書荀勗傳 別在祕書,以較經 云:「太康二年(公元二八一年),又得汲冢中占文竹書,勗自 葢已將十六種六十八篇全行 傳闕文,多所證明。」(太平御覽七四九、文選王文憲集序注 此荀勗在整理汲冢書方面之貢獻, 內周書之文, 附入。 觀太康 惟稱尚書為同志為不同 十年(公元二八 應加 補充者 4 九 撰次 华 74 考 接 注

荀勗著作,據隋書經籍志有下列各種:

也

一、晉中經十四卷。

一、荷勗集三卷,錄一卷。

二、雜撰文章家集敍十卷。

和崎

橋少有 郎, ……與任愷 遷 晉書卷四十五和嬌傳: 中書命,……時荷勗 風格, 慕舅夏侯玄之為人,厚自崇重,有盛名於世。……襲父爵上蔡伯,……入為 張華相善。 為監 「和轎字長輿,汝南西平人也。 ……太康末,為尚書,以母憂去職。及惠帝即位,拜太子少傅,加散 「幡鄙勗為 八,以意氣加之。……與平,以參謀議 祖治,魏尚書令。 父道,魏吏部 功,: 給事 黄門 倘 車專 侍 侍

騎常侍光祿大夫。……元康二年(公元二九一年)卒。」

成於和臨, 希祖 築 其後東督重定本則 少記魏世家集解:「 起於夏。 荀勗 其 日 他異同尚多, 和齲 云紀年起自黃帝,終於魏之今王。 故隋書經籍志紀年 十二卷, 附竹書考異 」蓋紀年初 1 本

華廙

常侍、 數年,以為中書監 晉書卷 前軍將 74 軍、 十四 侍中、 華興傳 惠帝即位, 胸中 云 郎將、 **))** 加 長駿 都督河北諸 侍中,光祿大夫,尚書合。 平原高 軍事。……(免官) 人之,拜城 唐人),……少 ……年七九五卒。 為武帝所 醴 , 城門校尉 懸黃 門 , 侍 遷左衞將 源 散騎

希祖案

萬斯同晉將相大臣年表

,

太康八年(公元二八七年)荀勗以中書監遷尚書令,

華風為

錄之風,藏之祕府。。」案張華傳、「華喬 mi 1 1 朝 會 議 然 荀勛 除中 (学 書監荀島 巡 简 書令, 華展 **介和**橋 傳 遷中書監 太常張華、 太常, , 皆不紀 以太廟屋棟 侍中王濟 年月 5,减以 tir 惟华 免官 幅文質 }临 }(棉 」武帝紀: 云 事核,有遷、 圖 一太康八年(公元 為 漢後書奏之, 固之規,實

出譴 臣勳 臣給い 臣 宙、 臣瓚

| 展

中書盤乎?

二八七年

,

太廟

殿陷

°

則其時荀勗

和虧

尚為

中害監、

合,

故萬表以太康八年島為

尚書令,華

程天子傳序首結衛第三行有「秘書主書命史證勤給

又第 四行 結 衝 有 秘書 校 書 中 鄓 張 ili L-,

祖案

主書合史必不

止一人,

此一

譴勳給

一當作一

臣

au .

-7

臣勳

臣給一,

,

叉第五行 和案: 結 張宙 銜 有 當作 郎中傅瓚」。 臣 宙 1___ 張 字後人所改。

希

莫知姓氏 祖 紫 傅瓚 山索隱云: 當作 臣瓚 案即傅瓚。 」,「傅」字後 穆天子 得 人所 目 改 錄云傳聲為校書郎,與荀勗 米 斐黝 史記 集解序 Ž 同校定 漢書音素 穆天子 稱 (傳 臣

者, 記序 又稱臣者,以其 云莫知姓氏 職典秘書故 章稜續訓 也。」顏師古漢書敘例亦 又言未詳 , 而劉孝標類苑以為 云: 理, 「臣瓚不詳姓氏 酈道元注 及 水經以為薛瓚 郡 縣 朱祁 B 姚察訓 , 裴駰 史

汲冢書校理人物考第五

汲蒙書考

以外, 瓚等 引汲 足取 附 足 之江 而 之傅族耳,旣無 川知 稱 書以 作 信 失,不得 案庾翼集 矣 並 亂 ; 臣 mi 瑨 取衆家訓 以瓚二十 因 又案穆 晉 翼長史江彭 傅瓒 5 過 飢 YI. 則 天子傳 義 于環寫 明 他書無明 傅」字為 四卷散入漢書,今之注 湮滅 文 明此 此 誅之。 不 傳江左 日錄云 未 瓚 瓚 聚主 文, 後 足取信。 疑是佛費, 是晉中朝人,未喪亂之前,故得 簿 人所附 <u>L</u>_ 丁瓚 故未 ---而高紀 祕 兵曹參軍, 書校 足取 ,猶今本穆傳「 一案師古之意 乃 是翼將, 費時職與校書, 中『瓚案茂陵書』,文紀 也 信也。 書 邬 後篇 r|n 若謂子瓚 傅瓚校 不 茲當闕疑,仍稱「 載 建威將軍。 臣勗」改為「荀勗」 有 亦以 放稱臣 乃是 **注解** 古文穆天子傳』,今漢書音義臣 穆傳結 東晉 漢 具其先輩音義及茂陵書、漢分等山。蔡謨 書。 也③。顏師古曰:「後人斟酌費 人 街當如「臣 中「人」等演談秋介了此二書 然瓚所采 臣瓚」。 年代前 也。 云 惟注漢書 衆家音 : 後了不相會,此瓚非于, 一島」、「 荀勗晉書 湿 義,自 、病卒, 臣嶠 校 穆傳 有明 噴所案,多 服度 而大將 文, 同 (孟 例 姓 猶

MIS E 知 國 級 官職 會 所 加 重 案 頗相近,亦可備一 楊駿之誅,為劉兵所 每從其 晉書 卷 遊 Ξ 1 級父戏謂 五 麦 **說**400 秀 害 傳, 之曰:「國寶初不來, 义案郎中亦有單稱邱行, 秀從弟 」葬臣贖為秘書校書郎中, 楷 有 Ti. 子, 次日 汝 数往 費, 時秘書屬於中書省 何也?」對 -永平元年(公元二九一年)已遷 字 國資, 中 日 : 書 鄭 -風 國資 亦可稱中書郎 雖不 高 邁 知 級 級 特

避

二人,

故其注

中,

引汲郡古文甚

多

也

亦 康

初 書左僕 建 東宮, ……所 射⑤ 卷 太子年 三十 撰荷 邵博學 $\dot{\equiv}$ 粲、 幼 何 邵 欲命親 王朔傳及諸 , 傳 善屬文, : 萬 邵 機 学 陳說近代事者指諸掌。 敬 奏議文章, 故 袓 盛 選六傅 太宰 並行 曾 次 字 以 於 11 邵 , 寫 陳 水端 國 永康初,遷司 太子太師 陽 沱 夏 年薨⑦ 入).... 通 , 徒 省尚 諡日 6 遷 書事 侍 趙王 康 中 尙 上倫纂位 後 書。 轉 特 淮 以 卽 累逐 邵 位 爲

太康 奏帝 永熙 1 書借詔 之末, 以 元 駿 胍 案 輔 年 政 觀之,得便匿 永熙之初 (公元二九〇年) 晉書卷四十楊 帝領之, 邵為中書監 便召 滅 駿傳 。中書監華屢恐懼,自往案之,終不肯與。 秋 中書監華 八 月壬午, 也。又按 武帝疾篤, 廙 華與為 立廣 命何邵 乃詔 陵 中書 Ŧ 逾 宣 中書以汝向王光與駿夾輔王 為皇太 W. 帝旨 ,至惠帝即 , 使 子,以中書監何 作遺 詔 位、始加 信宿之間,上疾遂篤,后乃 L__ 叉按 侍 邵 室, 為太 晉 H 書 光 禄 駿恐 7 卷四惠帝 大 太 夫, 头 師 權 轉尚 [11]

案惠帝紀 二九三年 元二九〇年 唱),邵 率常.)八月為太子太師 元康七年(公元二九七年)九月, 又為 沉 醉 龙 書監 所撰書十典未 , 元康七年(公元二九七年 晉書卷四十四華嶠傳 成 mi 終, 以太子 秘書監 太師 何邵 嶠 奏橋 何) 仍稱 一部為 中子徹 元康 太 尚 書 三年 -1-太師 左 為佐 僕 (公元二 一著作 射 則 元康 郎 邵 九三年 使踵 於永 年 成之。 院 (公元三九)卒。 元 年 又

書令,

則郡

為

中書監

必在

永熙

元年(公元二九〇年)五

月,

至

八

月

卽

遷

太

3

太師

元康

三年へ

公元

汲家盗校理人物考第五

三年)又繼華嶠為秘書監,蓋兼職也

又案:隋書經籍志有太宰何邵集二卷,錄二卷

-蔣俊

晉書卷 希祖案: 四 惠帝 俊為中書 紀 令必在 永平元年(公元二九 何邵 由令升監時, 年 時永熙元年五月,)三月辛 Ų, 誅太傅楊 楊駿初為太傅輔 駿 1 1 命 蔣俊 政也。

以上中書監、令。

摯虞

洛京荒 文章類聚,區分為三十卷,名曰流別集,各為之理。」 倦。……舉賢良,……後 晉書卷五十一 亂,盜竊縱橫, 摯處傳: 人饑相食,虞素清貧,遂以 歷 秘 書監、衞尉卿,從惠帝幸 「摯虞字仲洽,京兆長安人也 一般卒。 長安, ……後得還洛 **虞撰文章志四** ……少事皇甫 卷, 4 歷 謐 注解 光 禄 才學 三輔決錄 勳太常卿 通 博 , 又撰古 著及 述

官之時、 皆資華之本以取正焉。 希祖 案 時衛恒為秘書丞,撰詔定古文官書。 晉書卷三十六張華傳:「華雅愛書籍,……嘗徙居,載書三十乘。 考處為秘書監 , 疑在惠帝永平元年(公元二九一年 所謂 古文即汲冢古文,官書即

汲冢書藏於秘府者。 虞

)二月戊寅復置秘書監擊虞撰定官書,

太守 以為 謂 0 一華 輔朝政 H: 未 時 本 執 年) 心當 證也 秘書 ; 陳 書 SE 恒 年 政 招 歐 六年 水 以 E 與 庭堅 接傳 故 共 復 衞 古文為 一時 故 年 脹 得 遷司空,至永康 (13) 恒 撰 一六月, 魔雖 難 叉謂 定 華 從容 秘 考 之, 書監 È. 同 E 官 早 汲 書 時 借 華 官 恒 冢 故 被 其 遷 亦 ; 善 有 列 衞 殺 以 時 他 书 書 爾蓋因 正没家 官, 證據 本 首 舉 恒 書 處 謀 元年(公元三〇〇年),以司空遇害。虞為秘書監在 張華為太子 古 1 文與 為 籍 誅 然與其所定官 識 國等所 哲又釋 秘 取 楚王瑋有功, 書, 古 心正官書。 (他文異 文, 書監若在 未 少傅 難, 訖 定尚有未當者,故初復秘書監官時,虞等奉 故 同 m 撰 此 iffi 遭難 書 買 , 詔 拜右 爲楊 庭堅 謐 有 此 定 證 關 ti 後 也。 光祿 上亡。 文官 駿 佐著作即東哲述 證 也也 故輒 所 則 賈謐 大夫開 1 不 忌 |接 汲冢書 得借華書以取 復 不典 成以官 Æ. 留意焉。此一證也。 府儀 元康 乃詳論 朝 初為 未 政 同三司 ihi 4 荀 成之, 為 為 其得 秘 勗 IE. 駿 主 書監 侍中 詸 事多 此 失, 法 111 义 永 # 改 嬌 73 永平元 永康 證具 华、 書監 摯與、 證 認 筝 元元 岩 重行 之 撰定 義 也 元年 元康 , 康 與 考定 納衡 年(公元 X 公元 裴頠 E 之初 時 東萊 也 (8) 共

性引 没家 其 獲 義 以 全 相 明 同 左氏 觀此 (?) 則 申左篇云:「 故束皙 黎虞 來哲皆 25 7 若使 引左傳之義以明竹書 明之後,迄於魏 此 書 113 於 漢 世 , 紀年 劉歆 不 作五 此亦張華傳黎處撰定官書 原 太守矣 」於是勢虞、

1 奴以 籍 志 有 晉 太常 卿 **摯**處集十 卷

家潜校班

人物考第五

證

也

又案

唐劉

知幾

史通

自丘

滅,年將

千祀,其書寢廢

至

晉太康

衞恒

以 倘 何 書 邵嫂之父也 郎、秘書丞、太子 普書 三十六衛 , 從牆孔中 庶 恒 子、 }傳 黄 詣之, 恒字 門 郞 以問 巨山 恒 竹 孟 L 草 河東安邑人,太保瓘子),少辟司空齊王府, 隸 2 邵 書 知 , 為 m 不告。 { PE 體 書 恒 勢 還 ……及瓘為楚王瑋所 , 經廚 F, 收 人 正食, 構 轉太子舍人、 因 恒出 m 遇

後 贈 長 水 校尉, 諡嗣陵 貞世子。

将介, 書丞 秘書監 官 不告之理 未 九一 殺瓘 復 , 希 官 買鑑 後歷 祖案: 年)二 及恒 ? 秘 時,其 各 以侍 太子 恒 晉書卷 為 凰 , 八時擊處 中飯 瓘 中 月復秘書監,二月誅 無 則 子、 恆 書 之長子, 為 省 秘 Ti. 黄門 為祕 秘 書監,皆為銀官也。 十一王接傳 智 何那為 所謂 書監 郎, 水 前 葢 後 何 F , 杏合 不 何邵 雖 邵 * 楊駿 爲 過 爲 太子 四 嫂之父者, 及 時秘 爲太子太師。 盛, 月 恒為 餘 庶 書 改元元康 特 Y 水 故考 辟 ,又為黃門 秘書丞, 衞 蒸為從兄嫂父, 恒 恒 寫 若恒在太康末 T 考 水, 汝南 波 IE. 葢在永平元年(公元二九一 汲 家 書未能 必有 郎 E 家 一亮為 書 iπ , 知己之感 太宰, 永熙 訖 故無告難 仍分秘 未 事 IL. 初 也 mi 與 書水 為秘書派, 遭 人太保衛華 僚屬之情 之情。 難 , 0 獪 自永平 和 di 則 年 嶠 本 輔 安 其 傳 政 以 二月 元 , 有 時 侍 敍 六月楚 年 其 迅 秘 中 官 書 復 領 攤 監 置 # Kij

以恒妙解 志四 古文也 體 書 勢 卷, 其四體書勢古文勢@云 晉長水 校 尉 衞 恒撰。 **个全载** 秦用篆書,焚燒先典, 於恒 本傳。 摯與 為 而古文絕矣 秘 特 漢

恒

IF

案

隋書

黎

籍

汲家書

武 得 時 見之 魯 恭 E 魏 壞 初 FL 傳 子 E 古 文 , 者 得 出 } 於 書 HB 鄲 春 淳 |秋 , 恒 }論 一組敬 語 (佐) |孝 經 寫 , 淳 時 尚 人 書, 以 示 後 復 以 知 示 有 淳,而淳 古 文, ,謂之科 不 别 31-書 至 IE 漢 始 世 中, 藏 36.

以贊其 石經 案敬 美。」⑪ 侯所 轉 書 失淳 是恒 法, 獪 之善古文, 有 髣髴 因科 斗 本於家學, 古書 之名,遂效 亦 有 數 A. 種 H 111 , 形。 於 其 **巻論** 漢 太康元 世 缝 楚事 中古文, 年, 者, 汲 縣人盜發魏 其 最 、書勢 為 T. 與 妙 我 汲冢 , 國東方古文字 襄王 恆 水古文相? 梅 家, 悦 之, 旁 得 系 弱 故 策 書 竭 統 + 也 此 悉 思 餘 h. 王 133

國維 係 至 文書勢 謂 秦 用 籀 文 可見汲家 謂之大篆 古文, , 李斯 與漢 改為 111 發見之礼壁 小篆 , 山東各門 古文, 國, 同屬於戰國 皆用 古 文(12) 0 故 魯壁、 没家皆 崩 古文。

時

代

恒古

證

阴

之

則二種

古

文,

相得

益

彰

,

皆

非

偽

造

明

交

爲

重

要,

故參考 字考。 撰; 新唐書藝文志衛宏 〈案: 晉書 之書 1 張 隋書經 華傳擊虞 取 張 華 籍志古文官書 善 本; 為 韶定古文字書一 秘 恒所 書監, 撰定 撰定 卷, 者 卷。 為古文官 官 後漢 書 案認定古文官書 , 議郎 亦 書(可作 衞 敬仲撰 刨 穷新 ri 文 本 , 唐 益虞 乃),故列 13 晉 經. 所 德 籍志詔定古文官書 撰 恒 舉 老 撰 古 為 文與 官 非 書 漢 衞 他 文異同 卽 宏 今 撰 練寫 , 卷 地 E 見前文 定 衞 宏

深 博 少有全 書 卷 汲 を書名 DU 聞 Ma 華崎 汲家書校理人物考第 泰 松 初 轎字 , 賜 餌 叔 嗣內 俠 嶠 和 更 魏 拜散騎常 太尉歆 , 侍, 父|晉 典 小中書 太中 著作 大夫 表 , Ъ 兄 元康 倘 書令與 初

:

,

東觀 樂鄉 漢記 侯 遷 煩 倘 穢 排 , 慨 後以 然有改作之意, 崎 博聞 多識, 會為臺郎, 屬書 典實, 典官制 有良 史之志, 由是得編觀秘籍 轉秘 書 監 遂就其緒 初 , 以漢紀 起于光武,

凡九十七卷。……改名漢後背奏之,韶朝臣會議。 終於孝獻一 咸以嶠文質事 百九十五年,為帝紀十二卷,皇后紀二卷,十典十卷,傳七十卷及三譜、 核,有遷、 固之規,實錄之風,藏之秘府。 時中書監荀勗、 後太尉汝南 令和 王亮、 嶠 太常張華、 序傳、 侍中王濟 日錄

上通講,事遂施行。 嬌所著論議難駁詩賦之屬,數十萬言。……元康三年卒,追贈少府,諡 日節

八七 年〉(見愍懷太子傳)。嶠爲祕書監,葢繼蟄虞之後,在元康二三年之交,史無明文,不能確定 年)正月, Im 案 華崎奏上漢後書, 以太廟陷免官(見武帝紀及張 詔朝臣 會議, 華傳 **落在太康七年,時張華為** 漢後書列上東宮通講在元康元年へ公元二九 太常, 八年(公元二

也。

繆徴

路 木詳

鄭張載等俱在史官。…… 晉書卷四 1-IL 華橋 傳 小暢 後監繆徽又奏橋少子楊為佐著作 有才思っ

> 司空循瓘為東宮傅,列 至太康 Ti 橋

所著文章數萬言。」案「徽」字皆作「徽」。晉書職官志: 並草魏、 晉 紀傳,

郎,克成十

典,

案即

受命 武 帝 以 終 徵 爲 4 書 著 作 郞 賈鑑 傳 亦 作 蘭陵 繆 徵 , 則 以 作 -7 徵 L_ 爲是。 又案繆徵

為秘書監 益在 元康七 华 公元二九七 年 九 月 何 邵 濺 倘 書左 僕射 御覧卷二三 時 四引王隱晉書華嬌傅

嬌漢書十典未成, 条 隋書經 秘書監繆徵奏嶠少子暢爲著作 籍志有秘書監繆徵集二卷, 錄 佐郎, 卷 卒成 太平 十典

事 踏 未 詳

王隱 一一一 案: 陸機傳: 陸機 引魏武帝文序云: 七衡以文學為秘書監廣濟所請為著作即,議晉書限斷。」 「元康八年(公元二九八年 , 機始以臺郎遊

武帝遺合, 懷然歎息,於是遂憤懣而獻弔云爾。」(文選)是虞濟為秘書監任元康八年 公元二

子秘閣

而見魏

九八八

也

孫 凑,貴遊豪戚及浮競之徒,莫不盡禮事之。 …… 渤海 晉書卷 …… 證好學 四 十實證傳 有 汲家書校理人物考第五 才思 既為尤 證字長深, 嗣 , HZX HZX 佐 母: 賈午, 命之後,又賈后專恣,鑑權過 石崇 歐陽建, 父韓壽…… 榮陽潘岳, 人主……開閉延賓, 府陽 渚陽 吳國 五七 陸機、 魏司徒暨 陸雲, 海內

充少女也。

輻 曾

陵 繆徵 , 坑 兆 杜 斌 摯 皮, 瑯 邪 济 為 詮 , 弘農 E 裕 襄城 杜 育 南陽 鄒 捷 源 國 26 思 , 情 YO

沛 劉 瓌 被 姷 和 郁 周 恢 , 安华索秀 3 潁川 陳昣 太原 郭竟 , 高陽 許 猛 彭 城 劉前 1. ılı 劉興、 崔基

劉現 後妻郭槐 宜 以 魏 封廣成 傅 Œ 始 會於證, 起 年 君 著作 **売去職**, 號曰二十四友,其餘不得豫焉 郎王瓚欲引嘉平 爽未終,起為秘書監, 以下朝臣蓝 入晉 掌國史。 歷位散騎常侍、 史, 于時 先是 依 朝廷議立晉書 後軍 違 將 未 有所 軍 廣城 決。 限斷, 惠帝 4 4 案: 書監前 7 賈充 更使 勗

門侍郎 議之。 兀 嵇 謐 博士荀熙、刁協 紹 上議請從泰始為斷 國子博士謝衡,皆從鑑議 調宜 ,於是事下三府。 嘉平起年 論重執 騎都尉濟北侯 [ii] 奏戏、華之議、事逐施 徒王戎、 荀 畯、 司公張華、 侍中荀藩、 行。 領軍 尋轉侍 黄門侍郎華混以爲宜用正 將軍王行、 中, 領 侍中樂廣、 秘 書監如故。

始

開

,

……及趙王倫 廢后 以詔 召諡於殿前……斬之。 國史。」 9是證為秘書監在 元康

侍中賈證 公元二九九年 飆 案 及 黨 王際音書賈論 17 數十人 <u>ر</u> 至 永康 112 誅 傳:「 元年(公元三〇〇年)四月癸 見惠帝紀 元康末, 起為秘書監, <u>ر</u> و 為祕書監不過一年。 É, 兼掌 梁王肜、 時潘岳為秘書郎,證晉書限斷之議 超王倫 矯詔 廢賈 后 爲 Щ 人, 九年

乃岳之辭 以上秘書監

th,

(15)

束哲

或 問 1: 卷 志 Ti. + , E }来 1 當今好 杠 《傳 舉 者 域 誰 杠 平? 鹰 微 志 E 陽 : 215 范 c=- 7 易 城 45 人 束 廣 微好學 博 學 不 多 松, 聞 與 人莫及也。 兄 璆 供 知 名 還 15 鄉 游 単 國

永 述 玄 į 魏 志 居 得竹 益 群. 釋 舉 F 遯 以 至安釐 書數 轉 龙 擬 客 位 博 1 + 難 1: 啓殺 皆不就。 (文略)。 E 車。其紀年十 之二十 之; 作 如 太甲 年16 張華 故 殺 三篇 見 哲與 太康 益魏 伊尹 III 衛恒 , 奇之,…… 國之业 ,文丁 記夏以來至周 年(公元二八一年 厚善 灣, 殺季歷 , 華 大 開 為 略 恒 Ti) よう自問 遇胸 幽王 與 空, 本 秋 為大戏所), 復以為 受命 皆 自 汲郡 彩 本 至: 相 郡 城曹,.... 極王 應。 滅,以(人 赴 不 喪。 百年, 其 準 中 彸 ……性沈退, 晉)事 極 轉 發魏襄王墓, 非穆王壽百歲 傳 佐 大 著 接之, 作 聚 郎 , 不慕 則 三家 或 撰 云 晉書 10 0 言安盤 榮 夏 分 利 幽 年 帝 多

E 紀

言楚 與 亡00,有共伯和 姓 }周 名 易 也 台 阳各 -同, 溪語 **高麗** 名三篇的 --者攝行 111 篇 異 , 9 似禮 掛下 諮園上夢 天子 記, 易經 事,非二相共 妖 叉似 篇, 怪 }網 相 1 雅 似 也 前之 和 C 也。 卦 (論) 梁丘 評 ú 共易經 異。 藏 師 春 公孫 篇 が信う 二篇,與周易上下 2 段 先敍魏之世 一篇,公孫段 書左傳路 1 數,次言丘 奥 經同 念 邵砂 --易蘇陰陽卦 論 師 易。 春 藏 金 1 國語 似是 Ŧ 二篇,

汲 汲家書校理 DU.

見帝

塞

西

Ŧ. }生

過詩

篇

歌榜 封。

也 二篇

义

+ 談

九

篇 類

(周食

田法

周書

楚學

制 遊

篇

論七射

法。

封 母

> ---篇,

帝王

所

大曆

,

鄒丁

天

也。

穆天子

傅

Ŧi.

首

周

程

Ŧ

美 神

A

姬

死

大凡

七

-1-

五篇,

七篇

艄

書折 之屬

壞

了不

藏 杂

4 書

題

承中

枚,長

二尺五 (論)

.

和

4

字。

初 事

發家者,

燒

策

照

| 収資

物,

及官收之,

多燼簡斷

札

文既 又得

殘 銅劍

武帝以

倘 其 三魏人 書 杏 郎 付 秘 上傳 酱 校 趙王倫 綴 次 第, 通流 爲 尋 相 國 考 晉書紀志遇亂亡失, > 指 請為 歸, 記室 m 以 , 个文 哲解疾 寫之。 其五經 罷 歸, 晳在 通論、 教授門徒。 著 發蒙記 得 觀 年四 竹 書 --補亡詩文集數 , **7**(5 随 疑 分 哲 , 才學 皆 + 有 篇 博通 義 證 於 # 所

叉隋 書 經 籍 志 有晉 著作 郎 束 晳集 七 卷

祖 粲 本傳 言張華為 司 空, 以為 賊 曹 , 轉 佐著作 郎,撰晉 書帝 紀十志 , 遷 轉 博士,著作 如

及十 紀 Л ini 华 E 「哲為 志 隱)之際。 晉書東哲 ,又考正 佐 其 著 時華暢、 汲冢書, 作 傳 則 Hi 盗 云 買鑑 任 張載 完成七十五 何邵 請為 著作 陸機 **修**徵 卷。 郎 先後為著作 版 溶 29 後選博士, 0 考暖 為秘 書監 华為 郎,督咸與 賈 時, 司 公為 **溫又請為** 當元康六、 之共 元康六年 著作 時,為時 七 郎,晉書職 公元二九 頗 八年(公元二九六 人, 官志所謂· 故能 六年 撰 正月(成晉書帝紀 大著作 一二九 惠帝 狼

也 葢其時 東哲 汲冢 與衞 書尚 恒 未 月善 考 IE. , 完 備 亦 必 , 一妙解 校 又 人請之終 古文 張隨文士傳 其 事 也 日

人有於嵩山

下得

簡

枚,

柄

行

科

斗

又

王隱 服 其 人莫能 音書 博 識 謂 (21) 繼起 識。 汲冢 此 ij 無 占文荀勗 非 人,雖深於史學如華嬌,深於文學如陸機、 證 也 菲 益紀 以 和嬌 問束 年 小哲, 已不 一善,若欲 哲日: 能 The Shire 識り 考 此 故 TE 雖 , 漢 正寫 _ 明 方 帝 成个文, 必 顯 深 節 通 陵 潘岳 經 中 策文。 必請精通 學,一方必 皆不敢涉筆 」驗之果 古文之衛恒 妙解 然 1 惟東哲既 文, 重 朝 乃 JU 狂 考 能 1: 著五 JF. 庶 勝 任 經

又智於古文,故 恒 之業, 述 mi 成之, 其功業之偉, 實與 孔 安國 傳 古文尚書館

能 繼續

唐修晉書, 皆將 及家 書總篇日著於 束皙傳, 益 亦歸 其功於哲 也

竹書紀年存真、 隋書經 紀年一書,有和 籍 志 3 卽 國維 以 FO 临 古本竹 於紀年 初定本與 --計 束哲 紀 二卷之後 年輯校皆不能分別,漫然提 重定本之別, 也 **今**其 已見前 書皆已亡佚, 考。 二本皆 高為 **佘别** 者 有 有 也 竹書 of 傳 紀 , 故 年 **考**異 後 人 有竹書 卷。 朱右曾

同

秦

為允當 接 事 議 白 3 家得 形 又案晉書卷 異 ---失, 卿 義。 東哲 才 舉 其 時 東萊 文今皆不傳(僅初學記 旣 理議, 五十一王接傳 於災家書多證異義, 太守陳留 足解二子之粉, Ŧ 一庭堅 「時秘書丞衞恒考 難 可試 之, 卷二十一引束督釋難一 足證紀年有重定之本。 論之。 亦有 證 正汲冢 據 一接遂詳其 哲又釋難, 書,未訖而遭難。 條 得 王庭堅之難 失。 ٠, 而庭堅已亡。 摯虞、 足見當時 , 佐著作 謝衡 東哲之釋難 考 皆博學 散 R: 鄉 此 騎常侍郎潘滔謂 束. 書 哲 1 迹 公開 王接 闞 rfri ラ風以 高 成之方 之平

非 茍 Thi 叉案音 E 也 書 4 八十二司馬彪傳:「彪泰始中へ公元二六五—— 二七二年)為 秘書即 轉 水

定汲冢 作 п 九州春秋 馬遞 紀年 史記)不過五年。 之謬誤 盡告成 為續 奠 , 於惠帝 彪 香 彪之據汲冢紀年以條駁古史考有百二十二事之多,必在此 復條古史考中 , L 紀、 永康元年 志、 傳八十篇四。惠帝宋年 (公元三〇〇年), 凡百二十二事為不當, 至息帝 卒。 多據汲家 末年司馬彪之卒(光熙元 初 , 紀 譙 (年 周 撰 亦行於世 17 史 五年之內 考 十五元 所 年,公元 案束哲 篙 注 莊子 以糾 引統 V

級家普校門人物考第五

年以治古史不僅可 三卷,皆爲晉代有名學 馬彪 者, 人, 亦常采紀年以治史、 前乎此者有臣瓚著漢 漢 書音 **濫當時學** 義 二十四 渚, 卷, E 後平 **机**汲冢出土古文, 此 者 有徐廣 A. 近記 或身預校 计卷

案:晉書卷十六律曆志:「太康元年,汲家得玉律鐘磬。」此奪「薯」字。杜預淨漱左氏鄭傳樂解後序,正義引。

之役,故皆深信不疑,非若漢代今文家,

以利祿所

關,妄詆古文爲僞也圖

營書卷四惠帝紀:「元康七年九月,太子太師何邵爲尚書左僕射。」 聚理者案:賢書四十四鑑傳有王瓚,葡島作中書監時爲著作即,參加智書斷限之議。 希祖案: 圖注水經以為薛費,資治通鑑管應帝永和八年有太原薛費,即其人也。 此人似亦有校理汲冢書之可能

然亦為東晉人,故亦不為宋祁所取

6.5 同上:「永康元年 四月丁酉,何邵以左光禄大夫遷司徒。」

7 音書卷四十九謝鯤傳: 同上:「 永寧元年十二月,司空何邵薨。 一父衡,以儒素顯, 仕至國子祭酒。 一又寶體傳亦有關於國子博士謝衡之記載。

10 案: 愛書卷三十六衛瓘傳:「父觀,魏尚書。」 案: 古文勢, 恒自撰, 名字勢, 而隸勢亦恒自撰。合之祭監篆勢、 **裕缓草書勢為四體書勢。**

載實書卷三十六衛恒本傳。

初學記卷十二、太子御魔卷二 見三國維觀堂集林。 一四引王 温普養点 幾日。

北堂書鈔引王殿音書質鑑傳。 督書卷五十五潘岳傳。

- 》 案:「強王」當作「厲王」。
- 案:「名」上疑有脫字。
- 案:司馬彪續漢書今惟存志八篇三十卷,列於范曄後漢書中。文選任昉應士表注引張隴文士傳。案:張隴當作張騰,隋書經籍志文士傳五卷,張騰撰。 文選補亡詩注引王陽晉書束督傳。

案:杜預春秋左氏經傳集解後序雖亦裝彰紀年,以為紀年所記多與左傳符同,然此後序疑非杜預撰,見為目者。

書号: 11018·191

定 价: 0.34 元